

# نعاكيش

أدب ساخر

د. نورا عفيفي



+201114444354

+201282410458

## بطاقة الفهرسة

عفيفي.نورا

نعاكيش/ نورا عفيفي. - الجيزة :دار فكرة

للنشر والتوزيع

تدمك 0-78-5122-977-978

أدب ساخر

رقم الايداع ٢٢٦٨٨

الطبعة الاولى

٢٠٢١

جميع الحقوق محفوظة للناشر دار فكرة للنشر والتوزيع -

عضوية اتحاد الناشرين المصريين رقم -٧١٣-

جمهورية مصر العربية

٠٠٢٠١١١٤٤٤٣٥٤ / ٠٠٢٠١٢٨٢٤١٠٤٥٨

فريق العمل

تأليف الدكتورة / نورا عفيفي

تصميم الغلاف الأستاذة / شيماء جند

تنسيق وإخراج الأستاذ / أحمد عبد اللاه

مراجعة لغوية وإشراف العام الأستاذ / أيمن الصباح

## إهداء

✍️ الي روح ابي الغالي  
✍️ وأمي الحبيبة  
✍️ الي شريك الحياة احمد  
✍️ و طعم الحياة وثمرتها محمد  
✍️ ملك مي ماهيتاب  
✍️ الي اخواتي الاعزاء شريف هند  
✍️ ولاء احمد دعاء ياسمين  
✍️ الي صديقاتي الطبيبات  
الجميلات ودفعتي بكلية الطب  
ورفيقات الكفاح أهديكم كتابي  
الجديد.

## مقدمة

تثقلنا الحياة بصعابها ترهق  
ارواحنا همومها ومشاكلها..  
نكاد نختنق من كآبتها  
وحدها ضحكة صافية تخرجنا  
من كل هذا وتجعلنا قادرين  
علي التحمل ومواصلة صمودنا  
وربما كانت ضحكاتنا هي طوق  
النجاة الذي نتشبث به لكي نبقى  
علي قيد الحياة..

## إكس لارج

تأملت البنطلون الجديد الذي اتاها به زوجها وهتفت وهي ترفعه امامه بكل غضب الدنيا : ممكن افهم ايه اللي انت جايبه دا؟

قال في براءة : البنطلون اللي طلبتيه مني في ايه؟  
هتفت محنقة وهي تشير الي البنطلون: وأيه كل الايكسات دي؟؟؟ داخل بيها موسوعة جينس؟  
هتف في حيرة وهو يحك رأسه: ممكن افهم ايه اللي مضايقتك دلوقتي؟

هتفت في غيظ وهي تشير الي البنطلون : دا مش مقاسي يا عبسميع..انا قلت لك هاتلي انا بنطلون مش لبنات العيلت كلها يا عبسميع...ايه حتلبس دي ناصور؟ شايفني فيل يعني  
قال في بساطة زادت من غيظها : مش عارف حسيت انه مقاسك

كادت تتمزق غيظا وهي تهتف: ازاى يعني؟ بالنظر كدا وaaaسع جدا ومبهوا ومش نافع وحترجعه  
قال : لا قيسييه كدا الاول وبعدين نشوف  
هتفت في ثقته وهي تطيح بالبنطلون: من غير قياس يا عبسميع انا عارفت نفسي  
قال في الحاح : لا برضو قيسييه علشان اشوف اجيبلك منه  
مقاس ايه

زفرت في حنق وغمغمت وهي تتناول البنطلون : استعفر  
 الله العظيم ... دايمًا بتعصب الواحد وتخرجه عن شعوره  
 ثم شرعت في ارتداء البنطلون متابعتة : اديني حقيس ولو  
 اني متأكدة ان.....

بترت عبارتها حين وجدت صعوبة في رفع البنطلون  
 وعقدت حاجبيها وهي تجاهد لحشر قدمها فيه بينما اطلق  
 زوجها ضحكة عالية مجلجلة وهتف متناوذا ومتهكما:  
 واسع قوي يا عبسميع... حترجعه يا عبسميع.. انا عارفت نفسي  
 يا عبسميع

احمر وجهها غضبا بينما غادر هو الغرفة وقال ضاحكا :  
 بالشكل دا عاوزين خمسة اكس لارج كمان فوقيه كدا  
 اما هي فقد تجمدت لحظات وهي تتأمل البنطلون قبل ان  
 تنفجر باكية في حرقة

تمت

## الحلم

## قصة قصيرة

ظلت أحرق في هذة السيدة الانيقة التي تحمل حقيبة انيقة المظهر وتسير بخطوات واثقة داخل هذا المبنى الكبير ذو الاعمدة الرخامية البيضاء..أننى اعرف هذة السيدة حتما... نعم أعرفها فهي أنا...نعم أنها أنا

وما هذا المبنى الذى اسير فيه حاملت حقيبتى وكل من يقابلنى يحيينى باحترام وأدب؟

يبدوا أنه مبنى الكلية فهذة هى قاعات المحاضرات تملتىء بالطلبة...وهو أنا دخلت أحداها والقيت التحية على الطلبة وهم أجابوا بكل تهذيب..ما كل هذا؟؟؟

أذن فقد تحقق حلمى وأصبحت استاذة جامعية كما تمنيت..واحمل حقيبتى المليئة بالمراجع والكتب...أذن فقد تخلصت من متاعب المذاكرة أخيرا...ومن هذة الكتب الطيبة الكئيبة التى تنتظرنى لأذاكرها...كيف حدث كل هذا؟؟؟ ومتى؟ فجأة أنتقلت من حال الى حال؟؟؟؟؟

وما هذا الشعور الذى يملئنى بالمتعة والفخر والسرور؟؟؟؟ ربما لأن كل هذا حدث فجأة..ودون سابق اذار...نعم وجدت نفسى فجأة من طالبة بكلية الطب الكئيبة محاطة بالكتب وتجلس فى المدرج تستمع الى المحاضرات الى استاذة جامعية تلقى المحاضرات على مئات الطلاب الذين ينتبهون بكل اهتمام فمن الطبيعى أن أشعر بالانبهار

ربما لو حدث هذا تدريجيا لما شعرت بكل هذة المتعة..لأن  
الانسان سريع التكيف بالمتغيرات التى تحدث له تدريجيا  
وعموما ليس هذا مهما الان...المهم أننى اشعر بمتعة وارتياح  
وسعادة لا حدود لها وهذا كل شىء

وها انا قد أنهيت محاضراتى واتجهت الى الخارج لمغادرة المبنى  
بخطواتى الواثقة وشعور الزهو الذى يملئنى وفجأة شعرت  
باختناق شديد وبأن شيئا يجثم على صدرى ويمنعنى من  
التنفس..تهاويت على الارض ..التف حولى جمع من الاشخاص  
أجلسونى على مقعد تحت مروحة لسقف لكى اتنفس  
ولكننى كنت اختنق بشدة واشعر انها النهائية بعد أن  
حققت كل ماتمنيته وحانت لحظة النهاية وشعرت أن  
أنفاسى تضيق وتضيق وتضيق

وفجأة فتحت عيناي ووجدت نفسى نائمة فى غرفتنا  
بالمدينة الجامعية وقدم أختى التى تنام بجوارى ولكن فى  
الجهة المعاكسة تجثم على صدرى وتمنعه من العلو والهبوط  
..كنت أشعر فعلا اننى اختنق وبكل صعوبة أزحت قدمها  
ثم أخذت التقط انفاسى وأنا انظر اليها بكل غيظ ...فقدت  
كانت باسمت يبدوا أنها كانت تحلم بدورها أن تضع قدمها  
على قمة العالم

وبكل ما أعتمل فى نفسى من غيظ واحباط أخذت اصرخ  
فيها فقامت مفزوعة من نومها هاتفت:.. لما تصرخين هكذا؟  
لقد افزعتينى؟

صرخت فى وجهها:.. الا تكفين عن الاطاحة بقدمك؟ لقد  
كدتى تقتلينى



قدفتنى بالوسادة وهتفت:.. أذهبى نامى فى سريرك  
أتجهت الى سريرى والقيت نظرة على مكتبى الممتلىء  
بالمكتب التى تنتظرنى لأذاكرها وعضضت على شفتى فى  
غيظ:.. لقد كان حلما... لا فائدة لابد أن اسير الطريق خطوة  
خطوة

تمت

## السر الكبير

سارت د.مروة عائدة من عملها مع ابنها الصغير انس بعد ان اصطحبته من الحضانتة في طريقهم الي المنزل كانت تداعبه في مرح حتي اقتربت من بيتها فارنقع حاجبها في دهشة ثم انعقدا في غضب وهي تتأمل البحيرة التي تكونت في الشارع وكمية الوحل الكبيرة فغمغمت في غضب : كل يوم ترمي مية وتغرق الشارع كدا...ماشي

سألها انس في فضول : مين هي ياماما ؟

هتفت غاضبة : جارتنا دي اللي اسمها عديلة..حاجتة تقرف ثم امسكت بيده وقالت وهي تمشي بتمهل وحذر: خلي بالك بقي لنتزحلق في الطين و..بترت عبارتها وشهقت في ذعر حين انزلقت قدمها وترنحت محاولتة التشبث بأي شئ ولكن هيهات فقد انزلقت بالكامل علي الارض ولوث الطين كل ملابسها

فقامت وهي تبرطم في غضب قبل ان تهتف في غضب : انتي ياست عديلة...ياما عديلة...ياما حماصتة

خرجت لها سيدة ضخمة الجثة ترتدي جلايية وتريط الايشارب فوق رأسها وهي تهتف : في ايه ياضاكتووورة خير هتفت مروة في غضب وهي تشير الي ملابسها المغطاة بالطين : عاجبك كدا ؟

ضربت عديلة علي صدرها وهتفت مستنكرة : يانداشتي ؟ مين عمل فيكي كدا ؟

هتفت مروة ساخطة : اتزحلق في الطين بسبب المية اللي  
 بترميها علي الارض...هو كدا ينفع يعني؟؟؟  
 هتفت عديلة : وفيها ايه ياضاكتورة لما نرمي المية علي  
 الارض؟ بدل ماتشكروني اني عاملة لكم اكوا بارك في  
 الشارع

هتفت مروة مشدوهة: اكوا بارك؟ انتي بتهزري ياست انتي؟  
 قالت عديلة في برود: ياضاكتورة خلي الناس تتزحلق  
 وتتبسط

هتفت مروة مغتظة: لا شكل الكلام مش جايب  
 معاكي نتيجة انا حيكون ليا تصرف تاني معاكم  
 فجأة اشهرت عديلة مطواه في وجه مروة وهتفت : بقولك ايه  
 ياضاكتورة اعلمي مايدالك بس اللي حيكلمني كلمة الدم  
 حيكون للركب هنا.. ماشي؟

كانت تلوح بالمطواه في وجه مروة التي ارتعش جسمها  
 وتسارعت دقات قلبها وهي تبرق للمطواه ثم هتفت بصوت  
 مرتعش حاولت جعله طبيعيا وهي تجذب انس وتتجه الي  
 بيتها: انا حتصرف معاكي حبلغ البوليس

في بيتها وبعد ان بدلت ملابسها نادى مروة علي ابنها انس  
 قائلة : انس ياريت ماتحكيش حاجة لبابا من اللي حصلت  
 النهاردة متفقين؟

هتف انس غاضبا : لا لازم اقوله عسان يضلّب الست الوحسة



غمغمت مروة في قلق : استر يارب ثم رحبت بزوجها ورمقت  
انس الذي جلس بجانبه بنظرات محذرة فهتف هو : بتغمزيني ليه  
ياماما

زوجها : ايه في ايه

قالت مروة في توتر : لا مافيش يا حازم بس انس عاوزاه يسيبك  
ترتاح شويتا

قال وهو يضم انس اليه : لا سيبه هو واحشني  
هتف انس : وانت كمان يا بابا عاوز احكي لك حاجت  
حصلت النهالدة

غمزت له مروة مرة اخري محذرة فهتف : مس حقله سلنا  
الكبييل اللي في بيبييل ماتخافيس  
غمغمت في غضب : اه يا جزمنا  
تساءل حازم : سرايه يامروة ؟ هو في سر؟  
هتفت مروة مسرعة : لا مافيش اسرار دا انس بيألف ما انت  
عارف ثم رمقت انس بنظرة مغتاظت  
فهتف انس : لا والله مس بألف

سألها زوجها : في طين علي الارض وانا طالع  
همت مروة بالرد ولكن انس اسرع : ماما وقعت في الطين يا  
بابا

رمقت مروة بنظرة غاضبة بينما هتف زوجها في قلق : وقعتي  
ازاي يامروة ؟

قالت مروة وهي ترمق انس بنظرة متوعدة : لا مافيش الموضوع  
بسيط اترحلقت والحمد لله بسيطت  
قال : طيب حضري لي الغدا

قالت في هدوء : ماشي...تعالى معايا يا انس ساعديني  
هتف وهو يلتصق بوالده : لا انا تعبان لجلي بتوجعني من  
الوقعة

اتسعت عينها في استنكار ثم عضت علي شفيتها في غيظ  
حين هتف زوجها في قلق : هو انت كمان وقعت ؟؟؟  
هتف انس : اه يا بابا اترحلت جامد  
القي حازم نظرة صارمة علي مروة التي كانت تغلي غضبا  
وهتف: مروة في ايه مخيباه عني ممكن اعرف دلوقتي ؟  
مروة من بين اسنانها : حكي لك بس لما نتغدا الاول  
هتف انس مستنكرا : حتقولي له السل ؟؟؟ مس انتي قلتي  
نخبي عليه

هتفت مروة غاضبة : ماهو مابقاش سر ياروح امك خلاص  
هتف زوجها غاضبا : في ايه يا مروة وسرايه عاوز اعرف حالا  
هتفت: خلاص حقولك كل حاجت بس جعل حاجت  
الاول ...ثم التقطت شمشبها المنزلي وانطلقت في اثر انس الذي  
هرول مذعورا امامها ومطلقا الصرخات

تمت

## الفسحة في كل بيت مصري



قبل الفسحة الام صباحا: يا لياولاد علشان نخرج  
 العيال: هيببييه هيببييه حنخرج  
 الام: طيب حد يصحي بابا بقى علشان يلبس  
 الابن الكبير: حروح اصحيه  
 يرجع باحباط: مش راضي يصحي...بيقول سيوني شويتا  
 العيال باحباط: يووووه بقي  
 الام بغيط : هو لازم كدا ينشف ريقنا علي بال ما  
 يخرجنا...حقومه انا  
 تذهب تصحيه يصحي متترفز : انا مش فاهم مين قوم في  
 دماغهم موضوع الفسحة دا النهاردة...انا تعبان وعاوز انا...طبعا  
 انتي  
 الام: استغفر الله العظيم...وانا مالي  
 الاب لاولاده: ملحوقين علي ايه..هي الجينيتا حطير؟؟ ما  
 هي موجودة طول اليوم..جتكم قرف  
 الام بغيط: هو انت لازم تنكد علينا كدا...سيبهم يفرحوا  
 الاب بغضب: طبعا ماهو انتي اللي مقوماها في دماغهم عاوزة  
 تنتططي وبس  
 الام: اللهم طولك ياروووووح...انا اللي عاوزة اتنتطط...احلف ما  
 انا خارجة الاولاد: خلاص ياماما علشان خاطرنا بقي..فوتي  
 شويتا





الاب: يالا اخلصوا عاوزين نخرج بدري علشان حنرجع  
 بدري...مش حنطول  
 الام: ماتبدأهاش بالقرق...خروجت ايه السوده دى خرجوا في  
 هيصت كبييرة بعد الفسحت داخلين كلهم  
 الاب: ادخلوا يا اولاد الكلب...دقني اهي لو خرجتكم تاني  
 في حتت  
 الام: حسبنا الله ونعم الوكيل فيك...دايما منكد علينا الله  
 ينكد عليك  
 الابن الكبير وهو بيجري علي اوضته غضبان: انا غلطان  
 كنت خرجت مع اصاحبي احسن...حاجت تقرف  
 البت الصغيرة: يوووووه كل خروجت يعملوا فينا كدا  
 البت الكبيرة بتجري علي اوضتها وتترمي علي السرير  
 وتعيط: يارب اتجوز بقي واخلص من البيت دا  
 الواد الصغير: يروح يفتح التلفزيون ويجيب حلت المحشي  
 وياكل باللامبالاة

تمت



لا لن يتكرر هذا بعد اليوم.. لن تجيب عليهم مهما صرخوا  
ومهما تشنجوا.. سنتعم بحمام هادئ ظريف وبسريّة مثل بقيّة  
الخلق

كرّر الصغير نداءه وهو يضرب الباب بيده : ماما.. ماما

غمغمت : انده للسنة الجايّة يا كريم مش حرد

بدأ في البكاء هاتفا : ماما.. ماما

بينما هتفت ليلي أخته الكبيرة : ماما اعمل ايه الهدوم اللي

بره دي اطبقها ؟

ليلي : ماما.. ماما

غمغمت امها في غيظ : بس لما اخرج لك أن ما جرجرتك من

شعرك

أخذ صغيرها في البكاء بينما حاولت أخته جذبها من أمام

باب الحمام لكنه تملص منها صارخا وأخذ يتلوي وهو يصرخ :

ماما.. ماما

عضت علي شفيتها غيظا بينما زفرت ابنتها ليلي في زهق

وهتفت : ماما كريم مش عاوز يسكت حتخرجي امتي بقي

فجأة صوت ضجيج وارتطام بباب الحمام مصحوبا بصراخ ابنها

الكبير احمد : ماما خليك شاهدة هو اللي بدأ الأول علشان

لما اضربه ما حدش يكلمني

صرخ معتز : كداب هو اللي شتمني الاول يا ماما

صوت عراك وصریح

غمغمت الام في غيظ : بس اخرج لكم.. حوريكم

طرقت ابنتها الباب هاتفت : ماما.. ماما.. ماما

صمت الصغير وهو ينظر الي الباب في أمل فهتفت أخته : ماما  
ردي عليا

لم تجيب فصرخ الصغير مرة أخرى بينما عقدت هي  
حاجبيها مغمغمة في غيظ : اه ياولاد الجزمة..مش عارفت  
اعمل حمام..وعمل ازاي في التوتردابس ياربي  
طرقت البنت الباب مرة أخرى هاتفت في قلق : ماما..ردي علينا  
ياماما

اسرع اليهم اخوهم الكبير شادي هاتفا : في ايه  
هتفت أخته باكية : ماما مش بترد علينا  
احس الصغير بتوتر الموقف فازداد صراخه بينما طرق الكبير  
الباب هاتفا : ماما..ردي علينا ياماما..ماما..ماما.....  
امهم لنفسها بالداخل وهي تعض علي شفيتها : بس لما اخرج  
لكم...حبططكم علي بعض

هتف الكبير : هي مش بترد ليه  
أخته باكية : زمان حصل لها حاجة جوه  
احس الكبير بالذعر فهتف : بابا..بابا الحقنا يابابا  
اسرع اليهم ابوهم هاتفا : في ايه يا ولاد  
هتفوا في ذعر : ماما في الحمام مابتردش علينا خالص  
كادت تتمزق غيظا بالداخل بينما عقد هو حاجبيه في  
قلق وهتف وهو يطرق الباب بقوة : سوسن..افتحي الباب  
ياسوسن..سوسن ردي علينا ياسوسن  
لم تدري سوسن ما الذي تفعله بعد أن احست أن الموقف تفاقم  
خصوصا بعد أن هتفت احدي الجارات... في ايه يا استاذ  
عبحميد ..مالها سوسن ياخويا

شعرت سوسن بأنها في مأزق حقيقي فغمغمت في سخط :  
 اتصرف ازاى انا دلوقتي  
 هتف زوجها وهو يحاول دفع الباب بكتفه : روح يا شادي انده  
 لاعمامك بسرعتا

غمغمت سوسن : يا فضيحتك ياسوسن  
 في لحظات تجمع لفييف من الأهل والاقارب والجيران واهل  
 المروة أمام باب الحمام يصرخون ولم تدري هي ماتفعله فسقطت  
 متظاهرة بفقدان الوعي في نفس اللحظة التي اقتحم فيها زوجها  
 واهل المروة الحمام

حملها زوجها بسرعتا وهروول بها خارجا في قلق بينما  
 تصاعد صرخات اولادها المذعورة وتداخلت في رأسها كلمات  
 الجيران المتصعبة المتعاطفة المتأسفة علي شبابها المهذور  
 وضعها زوجها علي السرير وأخذ يرش وجهها بالبرفان  
 لتستفيق ففتحت عينها ببطء وقالت بوهن : انا فين  
 زوجها في قلق : انتي معانا..ايه اللي حصلك  
 قالت متظاهرة بالضعف : مش عارفتا حسيت بدوختا فجأة  
 كدا وماحسيتش بنفسي بعدها

مالت احدي جاراتها علي الاخري وقالت : مش قلت لك اكيد  
 حصلها حاجتة ؟..دي مش عواييدها ماتردش علي اولادها  
 شعرت بغيظ شديد يملئها فهتف أبناءها وهم يجلسون  
 حولها : حمدا لله علي سلامتكم ياماما  
 هي من بين اسنانها وهي ترمقهم بنظرات ناريتة متوعدة : الله  
 يسلمكم... أن ما وريتكم

تراجعوا وهم يتأملونها بنظرات متسائلتَ بينما هتفت  
 حماتها : عبحميد مراتك بعد كدا لازم تسيب باب الحمام  
 مفتوح و حد يكون معاها فيه...علشان داماي تكررش تاني  
 قال في حرارة مؤكدا : دا لازم يحصل مش حسيبها تدخله  
 لوحدها تاني ۞

شهقت سوسن في ارتياح قبل أن تهوي فاقدة للنطق بينما  
 هتفت حماتها : مراتك اتلبست في الحمام يا عبحميد

تمت

## مارجعتش الشتوية

(( رجعت الشتوياااه..رجعت الشتوياااه..ضل افتكرا فيا ضل  
افتكرا فيا رجعت الشتوية))

جلست تستمع الي الاغنية وهي تهز رأسها في تأثر قبل ان  
تنفجر باكية فير حرقت بينما تأملها زوجها مغتاظا قبل أن  
يمسك بسامعة الهاتف ويتصل بحماته التي قالت بقلق: في ايه  
يابني؟ مالكم؟

هتف محنقا: تعالي ياطنط شوفي بنتك  
هتفت في قلق: مالها يابني متخانقين ولا ايه  
هتف: ابداء ولا متخانقين ولا اي حاجة بس هي معيشانا في  
نكد وانا زهقت

قالت مهدئة: قولي يابني في ايه؟ دا انا سبت المحشي وجيت  
جري وحمالك هناك حيتجنن انت عارف بيحب المحشي قد ايه  
هتف من بين اسنانه: يعني هو عمي ياكل محشي ويسيب  
بنته عليا تنكد عليا وتقرفي

هتفت حماته: مالكش حق يا نادر..حتقرق علي الراجل  
ليه؟ هي بنتي مالها

هتف مغتاظا: زي ما انتي شايفت مشغلت اغنية رجعت  
الشتوية من بداية الشهر وقاعدة تسمعها وشغالت عياط  
وصريخ: مارجعتش الشتوية يا فيروز.. مارجعتش الشتوية  
يا فيروز...انا عاوزة الشتوية لما فرجت الجيران علينا وانا محامي  
وليا مكانتي في المجتمع

ضربت صدرها وهتفت غير مصدقة : مارجعتش الشتويت؟؟؟  
 بقي هو دا سبب النكد؟ ليه اتجنتت البت دي ولا ايه ؟  
 هتف زوجها غاضبا : مش بس كدا لا ا دي كل ماتلاقيني  
 مشغل التكييف ولا المرواح تطفيفهم وتصرخ اطفى المروحة  
 الصيف خلص الصيف خلص .. اقولها قومي ادخلي اطيخي لنا  
 لقمة جعان تقولي مش حدخل المطبخ الا لما السبانخ  
 تطلع..يحرم عليا المطبخ الا لما البسلمة والسبانخ يطلعوا  
 رددت حماته : لا حول ولا قوة الا بالله العلي العظيم ..ليه  
 كدا يانرجس يابنتي

تابع غاضبا : ادخل البيت ببطيخة زي اي راجل مصري ترطب  
 علينا في الصيف تنتشها مني زي المجنونة وتدشدشها علي  
 الارض وهي بتصرخ : بطيخ لا ..بطيخ لا ..انا عاوزة برتقال..هات  
 لنا سفندي

قالت حماته : بغض النظر يا نادر يابني عن جنان بنتي بس  
 قعدة الراجل من دول بالفانلة ام حمالات وقدامه طبق البطيخ  
 بتخرج الواحدة عن شعورها ... والله يابني لولا الملامة اخذ  
 الطبق من قدامه واقلبه من البلكونة علي راس حد  
 تأملها لحظة مستكرا قبل ان يهز رأسه قائلا : سيبك من  
 البطيخ ياطنط ...هي بنكون نايمين في امان الله بتقوم في نص  
 الليل تصرخ : الدنيا حر ليه ..الشتا مجاش ليه ؟

احنا بقينا فرجة للجيران وانا خلاص جبت اخري منها  
 قالت مهدئة : استهدي بالله يابني لما نشوف مالها يمكن  
 يكون في سبب تاني مزعلها انت عارف الستات تبقي معصبة  
 من حاجة وتقولك حاجة تانية خالص



ثم اتجهت الي ابنتها وهو ورائها وهتفت في قلق وهي تربت علي  
كتفها : مالك يانرجس يابنتي ايه اللي حصل  
التفتت نرجس الي امها وسالتها في مرارة: فين الشتوية ياماما  
؟؟ الشتا راح فين؟؟؟ تقدري تقولي لي احنا كام في شهر عشرة  
دلوقتي؟

اجابتها امها: نصه اهو يابنتي  
صرخت ابنتها فجأة : شفتي؟؟؟ وصلنا لنص عشرة ولستة الشتا  
ما جاش ..ما جاش وانتحبت في حرقت  
فهتفت والدتها : امر ربنا يابنتي حنعترض وبعدين احنا في  
ايدينا ايه نعمله يانرجس بس

هتف زوجها مغتاظا : اتتي موافقاها علي الجنان دا ياطنط ؟  
غمزت له حماته قائلة: اصبر يانادر لما نشوف اخرتها  
قالت نرجس لامها باكية: فاكرة ياماما؟؟ فاكرة زمان  
واحنا صغيرين كان شهر تسعة يبدأ من هنا..والدنيا تغيم من  
هنا..والجو بيرد...وتطلعني لنا البيجانات الكاستور..وبابا  
يتكلف في البطاطين والمطر ينزل واحنا نجري تحته نعني  
يامطرة رخي رخي علي قرعة بنت اختي ونتزحلق في الطين  
قالت ذلك وهي تلف وتدور حول نفسها في نشوي بينما راقبتها  
والدتها في ذهول وعض زوجها علي شفتيه في غيظ  
ورددت نرجس : فاكرة كل دا ياماما؟؟؟

غمغمت امها وهي تتأملها في حسرة : فاكرة ياعين امك..هو  
يوم باين من اوله من ساعة ما ابوكي صحي يقرق علي  
المحشي وانا حاسته ان اليوم حيختم بنكد وبقول في نفسي هو

النكد حيجي من اي ناحية بس ماتوقعتش ابدأ يجيلي بسبب  
الشتوية

هتفت نرجس وهي تجلس ثانية منتحبة : طيب ايه اللي  
اتغير ياماما؟؟؟ ايه اللي حصل ...

هتفت امها من بين اسنانها : امررنا ياكبد امك مصيره جاي  
يعني هي الشتوية حتروح فين

هتفت نرجس : امتي؟؟ امتي ياماما؟؟ دا انا بقالي شهر وانا بجهز  
له... طلعت البطاطين وغسلتها... طلعت بيجاماتي  
ولكلوكاتي وشراباتي وروباتي

اشتريت سحلب... نزلت اشتريت كلسونات ليا ولنادر من  
العتبة حنلبسها امتي الكالسونات دي.. عملت كل حاجة وهو  
لستا ماجاش.. ماجاش ليه ؟ ماجاش ليه؟؟ ثم انتحبت في حرارة  
فضغط زوجها علي اسنانه غيظا بينما ضمت امها قبضتها وهمت  
بأن تهوي عليها بكل قوة ولكنها تراجعت هاتفة : معلش  
يابنتي استحملي وان كان علي الكالسونات نادر يلبسها وهو  
بيترافع في المحكمة اهي طلعت موضتة دلوقتي عمرو دياب  
يلبسها حتعلي مكانته في المجتمع واكيد الحكم  
حيكون مضمون لصالحه

زمجر نادر في غضب ثم هتف : ومستعجلة قوي علي الشتا  
ليه؟؟؟ علشان تتكلفتني في البطاطين زي المومياء مش عارف لك  
راس من رجل؟؟؟ قدام امك اهو عليا الطلاق لو عملتي كدا  
حاخذك بكلفتك ارميك لابوكي.. وقد اعذر من انذر

هتفت نرجس باكيية : تعرفي ياماما ان صحباتي اللي  
بيحبوا الصيف بيغيظوني كل شوية؟ ان الشتا مش جاي؟ وان  
الصيف مكمّل؟ تصدقي دي ياماما؟

قالت امها من بين اسنانها : يعني مش انتي لوحدك اللي اتهطلتي  
لا صحباتك كمان معاكي... ماشاء الله

هتف زوجها غاضبا: اهي دي ياحماتي نوعية الاصحاب اللي  
ملمومة عليهم علشان عندي حق لما احلف ما تعرفيهم ثاني ولا  
تشوفيهم...حماتي شوفي لك صرفة في بنتك  
هتفت نرجس باكيية: انا عاوزه الشتا ياماما  
هتفت امها: تعدموني النهاردة

رن هاتف الام فغمغت ساخطة : اهو ابوكي بيتصل  
يستعجلني...اقوله ايه انا دلوقتي...اقوله بنتك اتجنت ويتعيط  
علشان الشتوية ماجتش؟ ياميلة بختك يا محسنة  
غمغم نادر ساخطا : قولي له اصله كان معرقل جوازي منها  
ويكأن كنت متقدم للملكة ناريمان...كنت مغفل  
هتفت حماته غاضبة : وبعدين معاك يانادر...صحيح البت  
غلطانة لكن ماتسوقش فيها بقي وت....

بترت عبارتها حين تغير الجو فجأة وغامت الدنيا وبدأت  
الامطار في الهطول بشدة وبعنف فصرخت ابنتها في بهجة :  
هيااااااااااا...الدنيا بتمطر..الشتا جه ثم انطلقت الي البلكونة  
لتهتف في مرح وهي ترفع ذراعيها مستقبلة الامطار  
هز زوجها رأسه محنقا هتف : شايفة تصرفات بنتك؟ارمي  
عليها اليمين دلوقتي؟

بينما واصل هاتفها الرنين فاجابت فعاجلها زوجها هاتفا: ايه  
يا محسنة اتأخرتي كل دا ليه عند بنتك؟؟مش في محشي  
لستة حيتعمل

هتفت محسنة في قلق وهي تراقب الامطار الغزيرة : والنبي  
ياخويا كنت حخرج لستة..لولا المطر..الدنيا بقت غرقانة بره  
حتصرف ازاى دلوقتي

هتف : ماليش فيه..اتصرفي..اركبي توكتوك..ولا حتي  
عوامة..بس المحشي يتعمل النهاردة يعني يتعمل النهاردة  
والا كملني بقية الشتا عند بنتك بقي ثم اغلق الهاتف  
بسرعة

فهتفت في حسرة : اروح فين واجي مينين دلوقتي يارب ..ثم  
التفتت الي ابنتها وصرخت : عاجبك كدا يا بنت محسنة ؟  
فضلتي تقرفي مارجعتش الشتوية مارجعتش الشتوية...اهي  
الشتوية هجمت علينا من وسع اروح ازاى انا دلوقتي ؟

هتفت ابنتها في حماسة : تعالي ياماما..تعالي نخرج نجري  
في المطر...نمرح..نتزحلق...نرجع ايام الشباب

هتف زوجها من بين اسنانه: طيب اعملها يانرجس وحتبقي  
طالق مني ﷻ

امها في غل: يعني ادعي عليكى بأيه يامجنونة يابنت  
المجنونة

هتفت ابنتها في حماسة وهي تدور حول نفسها في  
البلكونة: الشتا رجع ياماما..الشتا رجعا

وانا ....بترت عبارتها حين تساقط قطع كبيرة من الثلج  
وقبل ان تعقب هوت كرة كبيرة من الثلج فوق رأسها مباشرة  
فهوت علي ارضية البلكونة فاقدة النطق

تمت

## قضية فتة

وقفت هند في مطبخها تعد صلصة الفتة وهي تدندن  
بأغنية مرحية بينما دلف ابنها عبد الرحمن هاتفها في حماسة :  
ماما حطبخي لنا ايه النهاردة؟

هند مبتسمة: فتة ولحمة وكوارع يا بودي  
هتف مستنكرا: فتة؟ وكوارع؟ لاااااااا مش واكل  
هتفت بدورها في غضب: عنك ما اكلت  
خرج من المطبخ مبرطما في غضب هتف به والده: ولد في  
ايه؟ بطلوا دلع بقي

هتفت سندس محتجة: ماهو مش كل يوم فتة برضو يا بابا  
...معدتنا ماعت

هند من المطبخ: سامعاكي ياسندس...تعالى ساعديني في  
المطبخ

سندس: حاضر  
عبد الله محتجا: والله ما انا واكل  
هتف به والده: حتاكل غضب عنك...بلاش قلنا ادب  
هو في احلي ولا اجمل ولا اطعم من الفتة  
انفجر علي باكيا واندفع الي غرفته بدون تعليق  
في منزل جارتهم حسناء جلست بجوار زوجها تبرطم في  
غضب فسألها: في ايه يا حسناء بس

هتفت وقد فاض بها الكيل: اسمع بقي يا حسني تروح  
دلوقتي لجيرانا دول فهمهم ان كدا غلط...الجيرة لها حقوق

...مش كل يوم اصحي علي ريحة الصلصة والشوربة معدتي  
تعبانة يا حسني

هتف بها : جري ايه يا ولية عاوزاني اروح اقول للناس  
ما تطبخوش في بيوتكم علشان مراتي تترتاح؟

صرخت في هياج : ماهو مش بالطريقة دي يا حسني كل  
شي وله حد انا اتعقدت من الصلصة خلاص

اشاح بيده في حنق فهتفت غاضبة : بقي كدا؟ طيب والله  
لاروح انا اقلب لها طبق الفتة والشوربة علي راسها

ثم اندفعت للخارج وهو ورائها : اتجننتي يا ولية... تعالي هنا  
اما في منزل جارهم قدرني غمغم وهو يبتلع ريقه في حسرة :

الله علي ريحة الفتة والصلصة... ريقني جري  
تطلعت اليه زوجته في غيظ وهتفت : مش كدا يا

راجل... عامل زي المحرومين ليه  
قال من بين اسنانه : ما انتي مقضيها نواشف ودليفري لما

كرشي نشف عاوزين اكلت زي دي ترم العضم  
هزت رأسها في قرف بينما علا صوت الخناق والضجيج فهتف

: في خناقة في بيت جارنا الاستاذ عمرو لما اروح اشوف في  
ايه... واندفع للخارج في لهفة بينما هتفت مراته : واحنا مالنا

يا راجل ماتخلينا في حالنا  
هتف وهو يرتدي حذائه علي عجالت : الجيران لبعضيها يا

ولية  
في منزل عمر علا صوت جارتهم حسناء : حرام عليكم

ياناس مش كدا... راعوا ان معدة الناس تعبانة

هتفت هند غاضبة وهي تشيح لها بمعرفة الشورية: وانتي  
مالك انتي يا حشريّة نطبخ ايه وما نطبخش ايه  
صرخت حسناء في عصيّة : عندي جرثومة المعدة  
والصلصة بتاعتك بتقلقلها عليا...مش كل يوم صلصة  
عمرو لجارته مهدئا : اهدي بس يا ام كريم تعالي اتغدي  
معانا

هتفت الجارة صارخة: اتغدي ايه دا انا عاوزه ارتجع اللي في  
معدتي

هتفت بها هند : انتي ست حشريّة  
تدخل جارهم قدري وهو يتطلع الي حلة الشورية في نهم :  
في ايه يا جماعة بس وحدوا الله  
هتفت هند غاضبة : يرضيك يا استاذ قدري تهجم علينا  
وتزعق وتتخانق علشان بنطبخ فتّة؟ وهي مالها اصلا  
هز رأسه وقال وهو يبتلع لعابه متأملا طبق الفتّة في وله:  
ماله بس الفتّة ماهو حلو اهو وصلصته مفحفة مضايك في  
ايه الفتّة يا ست حسناء

صرخت حسناء : كل يوم؟ كل يوم يا استاذ قدري فتّة  
وصلصة؟ مش كدا ياناس الرحمة شوية  
هتفت هند مغتاظة وهي تلوح بمعرفة الشورية : وانتي  
مالك..انت بتتتشري ليه ياست انتي  
عمرو مهدئا : اصبري ياهند مش كدا  
هتف قدري وهو يحمل طبق الفتّة : اهو مش دا طبق الفتّة  
اللي مزعلكم انا حاخده خالص عندي..الموضوع بسيط ومش  
مستاهل حد يزعل من حد



هتف عمرو في لهفة : استتي بس يا استاذ قدري رايح فين  
بالطبق

هتف قدري مغادرا : والله ماهو راجع احنا حنقطع بعض  
علي ايه

شهقت هند في لوعته حين حمل طبقها وغادر وهمت  
بالاعتراض لولا ارتفع صوت جارتها : والله لروح اعملكم محضر  
في القسم واشعططكم

هتف عمرو : محضرليه يامدام  
صرخت هند : اعلي ماخيلك اركيبه بقي .. احتدم الشجار  
وارتفعت الاصوات

بينما هرول الاستاذ قدري هاتفا لعبد الرحمن: هي فين  
الشوريه يا اولاد ؟

قال عبد الرحمن في سرعة: في المطبخ ياعمو  
اسرع قدري الي المطبخ وحمل الحلة هاتفا : وادي الشوريه  
حاجدها كمان علشان الناس ترتاح ويبطلوا خناق  
اولاد هند : ريحنا منهم

ضربت هند علي صدرها وهي تراقبه يبتعد بحلتها وهمت  
باطلاق صرخته ملتا عته ﷻ ولكن جارتها لم تمهلها هتفت  
متوعدة : والله والله ان ما ارتجعتوا عن الصلصه والفتة لاقوم  
الدنيا عليكم

هتف عمرو وقد فقد اعصابه : اعلمي ما بدالك وانا ليا كلام  
تاني مع جوزك

ارتفع صراخ السيدة بينما هرول قدري هاتفا في اولاد هند :  
سمعت ان في كوارع يا اولاد هي فين



## يوميات ام في المدارس

جلست تستنشق الهواء النقي في الصباح  
وتستمع بالهدوء التام الذي عم المنزل بعد ذهاب اولادها الي  
المدارس...اعدت لنفسها كوبا من الشاي بلبن واحضرت  
البقسماط ..قامت بتشغيل اغاني لفيروز...ثم شرعت في تناول  
افطارها المقدس...البقسماط المقرمش الملى بالسمن المحمص مع  
الشاي بلبن الشهي تستمتع حين تغمس البقسماط في الشاي  
بلبن فيلين ويتساقط السمن ثم تتناوله ليذوب في فمها  
الواسع..في الهدوء تستمتع بتفاصيل الاشياء..مذاق  
الاكل..سماع اغنية لطيفة لفيروز...رائحة الهواء النقي..تتدفق  
الافكار الايجابية في رأسها تباعا..ترتاح احبالها الصوتية  
المجهدة قليلا..وربما يرتاح الجيران من سماع صراخها  
المتواصل..تبدأ في اعداد الغذاء

يمضي الوقت..تشعر بالحنين لصغارها...تنظر الي الساعة  
ميعاد الرجوع..تنظر من البلكونة..ها هم ينزلون من الباص  
ويدخلون الي البيت..تبتسم في حنان  
صوت صراخ وتبادل للشتائم.. تفتح لهم الباب هاتفتا: حبايبي  
وحشتوني  
يندفعون كالصاروخ غاضبين...يلقي حقيبته ارضا بعنف.  
(الي اخترع التعليم غبي وفاشل)

تصرخ ( انا مش حروح المدرسة تاني ) يهتف مستنكرا  
( شفتي الكارثة اللي حصلت في المدرسة) تقول في بؤس (نسيت  
الزمزمية) تتشنج باكيتا بصوت عالي

( مامااااااااااا شتمني في الباص ) يهتف متقززا ( البنات اغبي  
حاجت في الكون )

تهتف غاضبة ( انت اللي غبي ) تتشنج صارخت ( ماماااااااااا  
بيقول ي ياغبية اهو وانتي ما بتزعقيلهوش ) ( اعاااااااااااااااا البت  
سوزان خطفت مني الساندوتش ) يهتف مهددا متوعدا ( انا مش  
لابس الكوتش دا تاني عاوز اشتري غيره) تهتف في حماسة  
وانا ياماما خلاص الزمزية بتسرررررر وباطت)

يلكزها صارخا في غضب (لما بكون بتكلم ماتتكلميمش  
معايا ياغبية) تضربه بيدها بغيظ (مالكش دعوة انا بكلم  
ماما) تصرخ متشنجة (مامااااااااااااااااااااااااااااااااااا  
(المستر عاوز بابا يكلمه) تدفع النوت في وش امها (وقعي هنا  
ياماما) يهتف في حزم (مش حاخذ ساندوتشات تاني)

تصرخ غاضبة (الشنطة ثقيلة عليا) يهتف متذكرا (علي  
فكرة عاوز ميت جنينه لتزيين الفصل) هتفت بدورها ( وانا  
كمان )

تبكي في حرارة ( الالة الحاسبة ضاعت ) يهتف مؤنبا )  
علشان انتي غيبية) تصرخ باكيتا (انت اللي غبي)  
تتشابك الايدي وتتلاحم وتدور رحي المعركة مصحوبة  
بالصراخ وتناثر الاشياء في كل مكان ..تتصاعد رائحة  
الشرايات العطرة في انفها ؟

صداع يكتنف رأسها... زغللت في عينيها... تنميل في كل  
جسدها... ظلام دامس يتسلل اليها... تسقط فاقدة الوعي ليسود  
الهدوء مرة اخري..

تمت

## يوميات ام مطحونة

اخذت دعاء تتأمل صغيرها النائم في وداعة في حنين وقالت  
بكل حب وحنان الدنيا : امتي تصحي بقي يا حبيبي نفسي  
الاعبك شوية ثم اطلقت تنهيدة واعطته قبلت قبل ان تغادر  
غرفته وتوجه الي المطبخ كي تبدأ اعداد الطعام قبل ان يأتي  
زوجها ويقيم الدنيا ويقلبها فوق رأسها اذا ما اتى ولم يجد الطعام  
في استقباله

لم تكذ تقطع البصل حتي فوجئت بصغيرها يقتحمه  
هاتفا في حماسة: دوغ دوغ... بوغ بوغ.. اغ اغ  
ارتفع حاجباها في حنان وهتفت في حب: حبيب ماما  
صحي؟ ياروح....

بترت عبارتها وتجمدت حين وجدت صغيرها اتى ساحبا  
وراءه فستانها الجديد الذي وضعته علي السرير استعدادا  
لارتداؤه في خطوبة صديقتها المقربة فهتفت في لوعة وهي  
تمسك بالفستان وتتأمله وقد ابتل واتسخ : يالهوي؟ الفستان  
كدا تبوظه يا احمد يوووووه

ثم اسرعت الي غرفتها بالفستان وهي تغمغم في غيظ: اعمل  
فيه ايه دا دلوقتي... ربنا يسامحك يا شيخ  
ثم عادت الي المطبخ مكلمة : ماشي يا احمد لما... بترت  
عبارتها ثانية حين وجدت صغيرها افترش ارضية المطبخ وقد  
غطاها بالدقيق وعمر نفسه به وهو يلوح لها بيده بابتسامته



وقفت تتأمل الموقف فإذا بأبنها يقف حائرا والمزهريّة الزجاج  
المزخرفة التي تعترض بيها كثيرا قد تدشّدت فوق الارض لمّنة  
قطعة وقد امتلئت الارض حوله بالزجاج والماء والورد فاتجهت اليه  
مسرعة واخذت تتفحصه هاتفة في قلق : الحمد لله انك  
كويس... كدا يا احمد تعمل فيا كدا

برطم في براءة باكيا : دوغ دوغ موغ داااااااااااا  
هتفت وهي تضعه جانبا وتحاول ملمّنة الزجاج بحرص :  
داااااااااااا ايه وهباب ايه انا تعبت

انتهت من تنظيف المكان ثم هتفت به : اتهد بقي شويّة  
عاوزة اخلص طبيخ... ابوك حيكرشني انا وانت من البيت  
ثم دلفت للمطبخ فاسرع ورائها هاتفا : دوغ دوغ دااااااااااااا  
صرخت في عصبية : عاوز ايه ثاني يا واد؟ الطم يا وااا  
هتف وهو يشير الي الخارج : دوغ دوغ موغ داااااااااااا

هتفت في عصبية : عاوز ايه ثاني بقي... دي مابقتش عيشة  
يعني اسيب ال... بترت عبارتها حين وجدت نصفه السفلي عاريا  
فصرخت في عصبية : قلعت البنطلون والبامبرز ليه بس.. اوع  
تكون... لم تكمل جملتها بل هرولت الي الخارج لتجد البامبرز  
الملوث بالبراز فوق السجادة التي تلوثت بدورها وتصاعدت رائحة  
كريهة، ملئت انفها فصرخت في هيستريا : عملت ايه يا جزمة  
... اعمل فيك ايه دلوقتي ....

تطلع اليها في براءة فهتفت وهي تجذبه الي الحمام : تعال لما  
انظفك... هو انا مكتوب لي الراحة  
هو مبرطما : دوغ دوغ





## وادي النمل

وقفت في مطبخها تعد كوب من الشاي لها فاستوقفها مشهد عشرات من النمل الصغير يسير في طوابير منتظمة في حركة مستمرة دثوبت يحملون بلورات السكر غير عابئين تماما بوجودها فعقدت حاجبيها لحظات في غيظ ثم هتفت : بصو يا نمل ...انا عارفتا كويس انكم بتحاولوا تخزنوا اكل طول الصيف لفترة الشتاء..وعارفتا انكم بتحاولوا تأمنوا مصدرالغذاء لكم ولاولادكم ومقدرة تماما دا ...بالعكس انا معجبتا بنظامكم واسلوبكم المتعاون...بس يكون بالمحبة ...بالتراضي يا جماعة مش بالطريقة دي

اسلوب وضع اليد دا مابحبوش...سياسة الامر الواقع بكرها تماما...السكر اللي شغالين تحولوه وتخزنوه دا من مطبخي انا شاريه بالسعر العالمي ماعنديش بطاقة تموين..واحدة لي بالك انتي يانملت يامقصوفت الرقبة يالي بتجري بيه ولا كآني بتكلم

علي فكرة عيبيب قوي اكون بتكلم معاكم باحترام وانتوا زي ما انتوا بتحولوا السكر قدامي ومافيش حد بيسمعني...شغل بلطجتا هو يعني

طيب والله لاجيب البيروسول و...بترت عبارتها حين شعرت بلسعة قوية في ذراعها شعرت بعدها بحكة شديدة وتورم قبل ان يتضخم ذراعها كله وتحس بتنميل قوي فهتفت في ذعر : ايه دا؟؟؟ حساسية من قرص النمل؟؟؟ اه يا اولاد .....

لم تكمل عبارتها فقد دارت بها الدنيا وسقطت علي ارضيتها  
المطبخ فاقدة الوعي بينما واصل النمل سعيه الحثيث لنقل  
السكر وكان شى لم يكن

تمت

## مكالمة تليفون



قصة قصيرة حزينة متكررة  
 أنا فى نفسى بملل: خلاص بقالي كثير ما كلمتش  
 اختي..اروح بقى اكلها وافضفض معاها شويتا  
 الوووايوه يامحسنه ازيك عامله ايه  
 اختي: اهلا ياتفيده فينك  
 انا: اهو..خلصت طلباتي وقلت اكلمك شويتا و....  
 صرخت فجأة فى ام ودني : انت بتعمل ايه هنا يازفت قووووم  
 ذاكر فى اوضتك ..معلش ياتفيده..اصل دوغري جاي يذاكر  
 جنبى حبك...يذاكر دلوقتي فى بوزي  
 انا: ماشي..المهم كنت عاوزه اكلمك فى ...  
 صرخت فجأة فى سرسور ودني : اتتي يازفتة ياللي رايجته  
 جايتها زي المكوك فى وشي...روحي شطبي المواعين بدل ما انتي  
 زي قلتك كدا...حقوم اجيبك من شعرك يا سوسن بقولك  
 اهو...حمرجحك منه دلوقتي اللي انتي مسبسباه دا  
 انا من بين اسناني : طيب ممكن يامحسنه تركزي معايا  
 شويتا وبعدين مرجحياها زي ما انتي عاوزه  
 اختي صارخته : وهو انا حركز ازاى بقى...انا مش مكتوبلي  
 دقيقتين اكلم فيهم حد  
 انا: معلش كلنا كدا...ربنا يهديهم  
 اختي: يارب ...  
 انا: بصي كنت بقول ان فى موضوع كنت.....





## #يوميات بابجي



جلست تقزقز اللب هائنة البال لأول مرة منذ فترة طويلة امام التلفاز بعد ان انتهت اعمال المنزل وانضم اليها زوجها حين اتى ابنها من المدرسة يزفر في غيظ فسألته في حنان : مالك يا حبيبي زهقان ليه

هتف : انتي اخرجتيني وسط اصحابي ياماما  
هتفت في دهشة : اخرجتك؟؟؟ ازاى يا بني بس  
هتف وهو يكاد يذرف الدموع: نزلتي في اليوتيوب  
هتفت في ذعر وهي تضرب علي صدرها: يالهوي؟ يوتيوب؟  
ابوه هاتقا ومزجرا في غضب: يوتيوب ايه يا ولد؟ امك في اليوتيوب؟

هتف وهو يرمق امه بنظرة لوم : ايوة  
هتفت امه في لوعه: ازاى يا بني ماتنطق  
بينما علا صوت زوجها : يا ماشاء الله ياهانم... ومنزلت في فيديو ولا صور

هتفت مولولتة وهي تميل يمينا وشمالا في نواح: مش عارفت ياخويا ..اهو ولادك طول اليوم ماسكين الموبايلات بيتكتكوا فيها وتلاقهم صوروني صورة كدا ولا كدا  
صرخ هاتجا وماتجا كالشور الهائج في البرية: هي حصلت صورك تنزل علي اليوتيوب؟ دا انا حشرب من دمكم كلكم

هتفت مولولتة : ياتري صوروني ازااااي وانا بنفض السجاد ولا  
وانا قاعدة بقور الباذنجان ولا وانا بسيق البيت وشعري منكوش  
يالهورتك ياسلمي

رزعها بالكف علي قفاها هاتفا: اسكتي بقي شويته لغايته  
مانستفهم ايه اللي حصل ثم التقت الي ابنه وهتف به: امك  
ظهرت ازااي علي اليوتيوب يا مجدي

هتف مجدي محنقا : في يوتيوبر مشهور يابابا بينزل  
فيديوهات عن لعبته بابجي هو محترف فيها ..وعمل فيديو وهو  
بيقنص اللاعبين ومن ضمنهم كانت ماما ...مابتعرفش تلعب  
خالص اخرجتني

تجمد والداه لحظات بينما هتفت امه : نعم ياخويا ؟ مش  
فاهمة

هتف ابنها محنقا: يعني هو محترف ياماما بينزل فيديو وهو  
بيشرح بي لعبها ازااي وموت نص اللاعبين بالقنص ومن ضمنهم  
انتي ياماما ...عمالته تلفي حوالين نفسك وواقفت في النص...دي  
مش طريقته لعب استخبي ولا اجري ..انما انتي نوب في اللعبه وانا  
اخرجت جدا

هتفت والدته غاضبة : وهو انا كدا ظهرت علي اليوتيوب  
يازفت

قال ابنها محنقا : اه انا عرفتك من الجاكت والبنطلون  
والسلاح بتاعك ..ماتلعيش بابجي تاني بقي  
هتفت به في غيظ: امشي روح علي اوضتك وقعت قلبي ...انا  
حوريك

هتف به والده غاضبا : واياك الاقايك ماسك الموبايل تاني فاهم



اسرع مجدي الي غرفته محنقا بينما التف اليها هاتفا بها:  
واياك بقي نتعظ ونبطل لعب ولا ايه؟ ماتعقلي بقي شويتا  
هتفت به وهي تقلب طبق اللب من امامه: لما تعقل انت الاول  
وتبطل لعب...دا انت ماسك الموبايل زي العيل اللي ماسك بيرونتا  
بلاهم...عيلتا غم

تمت

## يوميات بابجى ٢

لفي يمىن يا حبيبتي لفي يمىن  
 هو هاتفا من بين اسنانه لزوجته التي تجلس بجانبه  
 هتفت متحمسة : سييني بس علشان اعرف اركز  
 هتف بها محنقا : حاسبي الشجرة... ادينا لبسنا  
 هتفت به : ماهو من زك مش عارفت اركز يوووه  
 قال في نفاذ صبر : طيب انزلي وسييني اسوق انا بقي علشان  
 نوصل في الوقت المناسب  
 هتفت في اصرار : لا انا اللي بسوق يعني حسوق  
 صرخ : طيب حاسبي بقي علشان حتخرجي بره الطريق اهو  
 هتفت في غضب : ممكن تسكت شوية  
 هتف في غيظ : ممكن افهم بتلفي حوالين نفسك ليه ؟ دا  
 احنا في صحرا حتي ﷻ  
 قالت في تركيز : استني بس كدا  
 صرخ والسيارة مسرعة اتجاه هاوية : لفي بسرعة حنقع  
 تحت حنمووت ...  
 اطلقت صرخة قوية بينما سقطت السيارة بالفعل  
 وتحطمت وقضيا نحبهما  
 فاغلق هاتفه وصرخ بها : يعني لا في الحقيقة بتعرفي  
 تسوقي وكمان في اللعب ما بتعرفيش ؟ مرارايه الطافح دا يارب  
 هتفت به مغتاطة وهي تلقي تليفونها جانبا : والله ما لعب  
 معاك تاني في فريق

هتف بها : ومين حيلعب معاكي تاني فضحتينا  
هتفت بدورها : ماشي يابتاع بابجي ﷻ واللّٰه لافضحك علي  
الفيس

رزعها بالمخدة علي رأسها وهتف : وانا حخلي اصحابي في  
المرور مايطلعوش لك الرخصة...تسوقي ايه بس اتني اخرك  
تسوقي عربيّة ملاهي وبرضو حتتقلي بيها جتكوا قرف

مّت



همست بدورها فى ضيق:- على رأيك..طول الوقت نواح  
وعويل وبكاء على شىء لانعرفه  
قال وهو يقوم :- حسنا سأذهب لألعب مع اصدقائى بالبلى  
فقد جمعت منه كميات كبيرة وعلى وشك جمع المزيد  
قالت فى بهجتة مفاجئة :- وأنا سأذهب لالعب الاولى مع  
صديقاتى ايضا

وفجأة سطعت الانوار فى كل مكان فى المنزل....انوار قويتة  
مبهرة جعلت الابنة تصرخ فى فزع رهيب ماهذا؟؟؟؟؟؟ والابن  
يحدق حوله مذهولا واتسعت عيناه وتدللى لسانه  
كالمتوتة...اما الاب فقد صرخ فى طفولته:-النورجه النورجه  
والام اطلقت زغرودة طويلة...أما الجد فقد اغرقت عيناه  
بالدموع وهو يغمغم فى تأثر:-اخيرا؟  
ظلت الابنة تصرخ فى هلع بينما صرخ الابن فجأة :- ما هذا؟ ما  
الذى يحدث هنا؟

هتف به والده فى فرح اسطورى :- أنها الكهرباء يا  
حبيبى...هذا ما كنا نتحدث عنه...هذا هو الغائب الذى عاد  
غمغم الجد:- الحمد لله الذى ارانى اياه قبل موتى  
هتفت الام فى فرحة غامرة:- سأذهب لاوزع الشربات على  
الجيران...سأذ...وقبل ان تكمل جملتها ساد الظلام مرة أخرى  
فجأة....وساد الصمت لحظات رهيبه طويلة (موسيقى حزينة  
زى موسيقى مسلسل الايام بتاع طه حسين)...قطع هذا الصمت  
صراخ الابن المنهار:- ما الذى يحدث هنا؟؟؟؟ أجيبونى بالله  
عليكم

لم يتلقى اى اجابة فقد اصيبت الام بانهييار عصبى حاد وفقدت أخته الوعى من هول ما رأت وخرج والده هائماً على وجهه يغمغم بكلمات غير مفهومة (زى محمود عبد العزيز فى فيلم جرى الوحوش) أما جده فقد فقدت عيناه بريق الحياة ولكن ارتسمت ابتسامته رضا على شفثيه توحى بارتياحه لرؤية الغالى قبل وفاته..

تمت

## أين رخصتي

تطلع رواد قهوة السعادة تحت المزلقان الي السيارة الذهبي التي  
وقفت امام المزلقان وتساعدت كلاكسات السيارات المقابلة لها  
والتي وراها وكل سائق مطل من سيارته يتساءل في جنون : ما  
تمشي بقي يا استاذة السكتة فاضية اهي  
صاحبة السيارة الرقيقة تلتفت حولها في توتر وتهتف : يا  
مامي اتصرف ازاى دلوقتي  
اختها الكبيرة في نفاذ صبر: عدي بقي يامنون..المزلقان  
فاضي خلصينا

ياسمين وهي تهتف: استني بس شوية  
هتفت اختها: لا كدا مش حنخلص عاوزة اروح شغلي  
اتأخرت

تساعدت الكلاكسات الساخطة متزامنة مع بعض  
السباب والشتائم من كل صوب وتراكت السيارات عند  
المزلقان قبل أن يتطوع احد الشباب عند القهوة بالذهاب إليها  
متسائلا: في مشكلتيا استاذة؟ اعديكي  
قالت ياسمين في توتر: لا انا خلاص حعدي اهو  
وبالفعل عدت المزلقان بشق الأنفس فهتف المعلم شوقي لصبيه  
بليته: شيل يابني الكراسي من علي الجنين وسع لها طريق بدل  
ماتدهوسنا..مش ناقصين قرف  
غمغم بليته في حنق: هو كل يوم كدا يامعلمي

هتف شوقي صاحب القهوة: امر ربنا يابني..مين قال إن الستات  
تسوق عربيات...هو احنا رحنا في داهية من شوية  
نقل بليّة الكراسي وتطلع رواد القهوة الي صاحبة السيارة  
التي سارت ببطئ وبأسلوب الزيغ زاج طول الطريق وتبادلوا  
الدعابات والعبارات المتهمكة...كان مشهدا معتادا بيرونه كل  
يوم

وفي سيارتها هتفت اختها: اتأخرت كدا انا غلطانة اني  
ركبت معاكي  
ياسمين : يابنتي انا مش غلطانة هم البهائم اللي مش عاوزين  
يستنوا شوية

رمقتها اختها بنظرة ساخطة وفجأة طراخ العربية لبست في  
شجرة مع صراخ ياسمين: مين الحيوان اللي حط الشجرة دي هنا  
كادت اختها أن تفقد الوعي من شدة الغضب  
والغيظ..وغمغم: نفسي اتعلم السواقّة

هتفت ياسمين في حماس: انا اعلمك  
انعقد لسان اختها في كمد وهي تتأملها مرددة: تعلميني؟  
هتفت ياسمين في حماس: طبعا انا اصلا بفكر ادي  
كورسات في السواقّة للبنات ايه رأيك  
شهقت نورا في رعب ثم تمالكت اعصابها وقالت : وماله يالا  
علي بركة الله يا حبيبيتي  
تاني يوم صباحا

كان معلم القهوة شوقي واقفا يتابع اعمال الترتيب والنظافة  
حين سمع هتاف صبيه بليّة: يادين اميبيبيبيبي  
هتف به شوقي: في ايه يا ولا



هتف بليية: تعال يامعلمي شوف بنفسك  
 اسرع شوقي إليه وارتفع خاجباه بشدة وتدلدل لسانه وهو  
 يتأمل الموقف كانت ياسمين راكبة سيارتها وبجوارها جلست  
 فتاة في مقعد القيادة في منتصف المزلقان وياسمين تعلمها  
 بانهماك وقد وضعت لافتة اعلي السيارة )) الياسمين لتعليم  
 قيادة السيارات )) بينما تراكمت السيارات خلفهم وارتفعت  
 الكلاكسات الساخطة مصحوبة بسباب من اقدع الالفاظ

فصرخ: لاااا واللله مايكون ولا يحصل  
 يعني بدل ما ربنا ابتلانا بواحدة حيكونوا عشرة ومية... لا  
 انا مش حسمح بكدا... انا... انا.....

شهق بليية في ذعر وهو يتأمل معلمه وقد تشنجت يداه  
 ببشاعة بينما تقلصت عضلات وجهه وسأل الرغاء من فمه  
 فهتف: لا حول ولا قوة الا باللله...الراجل بقه اتعوج  
 الراجل اتشل خلاص

التف رواد القهوة حول المعلم الذي فقد النطق بينما عبرت  
 ياسمين بسيارتها المزلقان اخيرا

تمت

## اين رخصتي ٢

اخذ المقدم سميح يتطلع الي ياسمين بنظرات يتطاير منها الشرر قبل أن يسألها : انتي بقي ياسمين عفيفي صاحبة شركة الياسمين لقيادة السيارات حاولت ياسمين أن تتمالك اعصابها وهي تجيب : ايون...مممكن اعرف انا هنا بعمل ايه وبأي حق تحتجزوني وبأي تهمة

سميح وهو يدق علي مكتبه في غضب: هي تهمة واحدة ؟؟؟ دي تهم يا أنستة وكل تهمة فيهم تودي في داهيتة..كام محل كسرتيه وكام إشارة وكام مواطن اتسببت له في عاهة بسبب سواقتك ومش كدا وبس دا انتي قررتي تعلمي بقتية الستات السواقفة يعني ضاعفتي عدد المصائب اللي ماشيتة في الشارع والبلد مش ناقصة خراب دا لو داخلين حرب ماكنتش الشوارع اتبهدت كدا..اتقوا الله

هتفت ياسمين مدافعة : مش ذنبي يافندم ..هم اللي ماييفهموش وماعندهم مش مخ ولا نظام

هتف من بين أسنانه : هو مين اللي ماييفهمش يا أنستة؟؟ انتي عاوزه الحيطان و الكباري والأرصفتة والعواميد والاكشاك تفكر ؟؟ دا حتي الأشجار ماسلمتش منكم ياشيخة عاوزه الرصيف اللي دخلتي فيه من شوية يكون عنده نظام ؟؟؟ عاوزه تفهميني أن الراجل الغلبان اللي كسرتي له رجله وكان قاعد في محله أمن مطمئن كان المفروض يوسع لك تدخلي براحتك

في محله؟ انتي واللي زيك مش المفروض تمشوا في شوارع انتوا  
 عاوزين نرميكم في صحراء ترتعوا فيها براحتكم  
 هتفت في انفعال : لوسمحت يا فندم انا ما اسمحلكش  
 هتف غاضبا : كل دا كان ممكن اعديه وابلعه الا انك  
 تعلمي مراتي وتخليها تقرر تسوق..اهي دي لوحدها جنائيا  
 قالت ياسمين متسائلة: مراتك؟  
 هتف غاضبا : ايوه مراتي..رانيا شوقي عارفها  
 هتفت ياسمين في حماسة : طبعا دي اشطر واحدة اتعلمت  
 عندي..وبسرعة كبيرة  
 صرخ في وجهها : الهانم اخدت عربيتي الجديدة وخرجت بيها  
 مافيش عشر دقائق ورجعتها من غير الاكسدم الامامي  
 والمرايات رجعت لي العربية الجديدة خردة...دا انا حوديكي  
 في داهية انا عاوز اعرف دلوقتي مين المعتوه اللي اداكي الرخصة  
 دي انا لازم اوديه هو كمان في داهية  
 اجابته ياسمين : اللواء احسان فوزي بنفسها صرحت لي بيها  
 هتف سميح مشدوها : بتقولي مين؟  
 رددت ياسمين بثقة واعزاز : اللواء احسان فوزي  
 صوت ضجيج وهتاف وصريخ  
 فضغط علي زر مكتبه قبل ان يياتي النقيب علاء مسرعا  
 فبادره : في ايه يا علاء  
 اجابه النقيب علاء في توتر : دي اللواء احسان فوزي يا فندم  
 والدة حضرتك  
 هتف سميح في ارتباك : ماما؟؟ القصد وسيادة اللواء جايت  
 ليه دلوقتي يا علاء

هتف علاء : جايتة تشرف علي اختبارات القيادة يافندم  
بتقول أن في تعسف في إعطاء الرخص للسيدات بالذات وان في  
عنصرية بتمارس ضدهم

صفتت ياسمين بيديها في جذل هاتفتة : ظهر الحق  
هتف : واياه الدوشة دي يا علاء؟

اجابه علاء في توتر : مافيش يافندم اصل سيادة اللواء دخلت  
في الرصيف وهي بتركن وكسرت لحضرتك الاكسدم  
الخلفي وقعته وكسرت الحواجز الأمنية اللي قدام القسم  
يافندم

شهق في ذعر ثم التفت إلي ياسمين هاتفا : انتي لسة قاعدة  
ليه لغاية دلوقتي يالا روعي بيتك واياك اشوفك هنا تاني  
قامت ياسمين مبتسمة في ثقتة بينما التفت هو الي علاء  
هاتفا : انا عاوز اهج يا علاء... انا حسيب البلد دي كلها يا علاء  
... انا حعيش في كوكب تاني يا علاء وانهار باكيا في حرقتة

تمت

## ليلة العمر



هذه الليلة الجميلة التي تنتظرها كل فتاة في الدنيا بفارغ الصبر وبالطبع انا احدهن ..كم انتظرتها وتمنيتها..وها قد اتت..استعد الان للانتقال لمنزلي الجديد ودينتي المختلفة مع فارس الاحلام...مثل اي فتاة وضعت تصوراتي لليلة العمر الجميلة ..اريدها ليلة مختلفة عن جميع الفتيات..اريد عرسا راقيا

كلاسيكيا يجلس فيه الجميع باحترام يستمعون للاغاني والموسيقى الجميلة الراقية...وضعت تصورا ما وظننت اني ببساطة قادرة علي تحقيقه ..انا بسيطة واحب البساطة والهدوء...اعددت اسطوانة عليها الاغاني التي احبها وتتناسب مع ذوقي ..انه فرحي انا فلاختار فيه ما يروق لي ...المهم شددت علي عريسي الوسيم ان يعطي الاسطوانة الي المسئول عن الذي جي كي يشغلها ...وهو بالطبع ابدى حماسه للاغاني الموجودة المهم بداية الليلة الجميلة ذهبت كأى عروس الي الكوافير كي تقوم بتزييني ولكنني اكتشفت بعد عدة ساعات استسلمت فيها تماما ليدها تفعل بي ماتشاء انها لم تقم بتزييني ..لا لقد قامت بطلائي بطبقات مختلفة كثيرة من الالوان حتي تحولت الي بيتا نوبيا متحركا مبهجا ملئًا بالالوان المبهجة ...لم اتعرف علي نفسي حين نظرت في المرأة بالكاد رأيت وجها بشريا

صرخت مكتومة مستنكرة اطلقتها من فمي ..اشير برعب الي المرأة معترضة مستنكرة تمسك بيدي مبتسمة بتفهم وثقت: دا كله حيرروح مع العرق والاضاءة...زي القمر ماشاء الله (هي بحرارة) وانا لا اري قمرا في الحقيقة ولكن لنمررها حاولت ان ازيل بعضا من طبقات الطلاء ولكن عدة ايادي قامت بتكثيف يدي ومنعي من ارتكاب الجريمة مع هتافات غاضبة مستنكرة من اختي الكبرى وابنت خالتي وابنت عمتي وابنت عمي وابنت خالي ..حسنا لاصمت فلربما كان هذا من الطقوس المقدسة في الافراح ... اتى عريسي ليأخذني الي القاعة كان مبتهجا وفاتحا فمه من الشدق للشدق وهو يتناول يدي حسنا لا يدرك بعد ما ينتظره من نكد في الايام التالية ..لديه اكيد تصورات واحلام واماني ستبخر بالتأكيد فيما.. بعد..ماعلينا تأبط ذراعي وركبنا السيارة التي قام بتزيينها بالورود الكثيرة ..يعاملني برقة مثيرة للشكوك ..اتمني من كل قلبي لو دام هذا لبعضا اسابيع بعد الزواج ..حيث ان اختي الكبرى كانت تتمايل مبسوطة في فرحها وتكاد تطير فرحا مطلقة الضحكات هنا وهناك مع زوجها العزيز ولم تلبث سوي اسبوع وبعدها لا يمر يومين الا وتأتي عندنا باكية متشججة من زوجها لنسمع من امي انشودة حزينة متكررة يا مخلفة البنات يا شائلة الهم للممات مع عدة صرخات عصبية

المهم ركبنا السيارة لتنتلق ويطلق سائقها الكلاسات الكثيرة بيبب بيبب بيبب بيبب...ويكأن الملك فاروق قد عقد قرانه علي الملكة ناريمان علي التو...وكأنه الحدث

السعيد الذي لا يتكرر الالاف المرات يوميا فالجميع يتزوج  
..حسنا ماعلينا فلنؤدي المسرحية للنهائية

زوجي يطل من نافذة السيارة يشير بيده مرحبا ومهلا  
وكأنه محمد الفاتح...نظرات فضولية من المارة لي وله  
بيتسمون وهناك همس العروسة اهي ...العروسة اهي  
يتملكني فضول عظيم لمعرفة سر تهافت الاطفال وبعض  
المراهقات والسيدات ايضا لرؤية اي عروسة وكأنها كائن  
فضائي هبط من مركبة ما ..ماعلينا وصلنا للقاعة

لفيف من البشر واقف في الانتظار ما ان نزلت من السيارة حتي  
اندفع اللفيف يسلمون علي بحرارة..تعانقني امي والدموع في  
عينها ..لماذا تبكي بتأثر وهي تعانقني لقد كانت شديدة  
العصبية في الصباح لا تكف عن الصراخ بعصبية فينا  
واعطتني لكزتين قويتين ومع زجرتين حين انهرت باكية امام  
غرفتي بالمنزل لا اريد مفارقتها .واعلنت لها اني لا اريد ان اتزوج  
..كان ينقص ان تجذبني من شعري الي الخارج

ومن هذه التي تسلم عليا بحرارة وترتمي علي صدري  
باكية...انني لا اعرفها ..مهلا انها اختي الصغيرة مقصوفة الرقبة  
ولكن وضعت طبقات من الطلاء بدورها ..ولكن لماذا تبكي  
بحرقته؟ انني لم اموت بعد ...ومن هذه ايضا؟ اه اختي الوسطي لم  
اعرفها فهي ترتدي قبعة ما وعليها تاج وفوق التاج مجموعة  
ورود...لماذا يتهافت الجميع لمعانقتي والسلام علي؟.انني لم اعد توا  
من السفر لقد كنت معهم طوال الوقت هي فقط عدة ساعات  
التي قضيتها في معجنت الكوافير.ماعلينا زوجي يهرول الي  
الكوشة ويجرني وراءه كأننا في سباق ...وانا بالكاد احافظ

علي توازني من هذا الحذاء اللعين ذو الكعب العالي من جهة  
والفستان ذو التلييسة الواسعة الذي يعوق حركتي ..غير  
المحيطين بي اللذين يتطلعون الي مشدوهين حسنا يحق لهم  
ذلك فأنا تحولت الي لوحة زخرفية عشوائية مثيرة  
للذعر...وددت لو اعطيته مقص ليستقط ارضا..واخيرا وصلنا الي  
الكوشة وجلست بسلام علي الكرسي المزخرف ...وهنا بدأت  
المجزرة....اغنية النهاردة فرحي يا جدعان او او ...كدت ان  
افقد الوعي

الاغنية بدأت من هنا وبدأ معها سباق مجنون في الرقص  
الهيستيري المثير للقرف...الكل يستعرض مهاراته في التلوي  
والتمايل...اخ امنع نفسي الان من ان اقوم بجذب شعرا حدهن او  
ركل احدهم....يميل زوجي عليا كل دقيقة ليقول شيئا ما لا  
اسمعه من الضجيج ويضحك..وددت لو لكمته في وجهه  
لاسوي انفه ببقيته وجهه ...اين اسطواني اين اغانيا  
المنتقاة؟؟ما هذا العنب العنب العنب..الكل يرقص ..وها هو  
زوجي العزيز يقوم متحمسا مع اصدقاءه ليرقص بسعادة  
...حسنا سيدفع الثمن غاليا ...فليمرح الان وليبكي فيما  
بعد..تطلعت بحسرة الي حفل زفافي الذي تحول الي فوضى  
مثيرة للغيظ...منعت نفسي من الصراخ الهيستيري بصعوبة  
يميل عليا المصوراتي ليقول د وبابتسامتة سمجة : اضحكي  
يا عروستنا عاوزين صورة حلوة...ثم لم يلبث ان تراجع بسرعة  
بعد ان رمقته بنظرة ناريتة مملوءة بالغضب ..تطلعت بغيظ الي  
جموع الاطفال اللذين تشعلقوا حول رقبتى ورقبتة زوجي  
مبتهجين يتطلعون للكاميرات بهجة ويكأنهم سيطلعون في



الفضائيات حصريا هذا ليس حفل زفاف بالتأكيد هذا طقس  
مرعب من طقوس القبائل الافريقية قبيل التهام احد الاعداء  
احدهم ...لم استطع المقاومة اجهشت بالبكاء الحار فما كان  
من زوجي الا ان اخرج بمنديل من جيبه واخذ يمسح وجهي  
ويقول بعطف : انا عارف ان دي دموع الفرح يا حبيبتي لكن  
...بتر عبارته وامتقع وجهه حين رمقته بنظرة اخري ناريتا  
واشرت الي ذقني متوعدة فأخذ يتلفت حوله بارتباك قبل ان  
يتراجع بدوره مفتعلا ابتسامتا للحضور  
اما انا فقد واصلت بكاءي المرير الطويل

تمت

## يوميات ام في الحجر ا

كانت مستغرقة في نوم عميق..اصوات عالية تقتحم  
احلامها..خبط ورزق وهبد...صريخ وشجار وجري..تستيقظ من  
نومها هاتفت: لوقمت دلوقتي حنكد علييكيووووووو  
لا يهدأ الصراخ فتنتفض من فوق فراشها تلقي نظرة علي  
الساعة تجدها السابعة الا ربع تضغط علي اسنانها بغيظ  
وتخرج من غرفتها لتجد اولادها يجرون ورا بعضهم البعض  
تنحني لتلتقط شبيها من الارض وتقدفه بكل قوتها تجاههم  
صارخت بكل غضب الدنيا : يا جزم ..عاوزه انا ساعة علي  
بعضها ياقللات الادب ياهايبيبيم حوريكم...ان ما سودت  
عيشتكم مابقاش انا

ابنتها: هو اللي بدأ

ابنها: كدابته هي اللي بدأت

ابنتها الصغيرة مقومة: هو اللي ضربها الاول ياماما

هي : حاءاضر حخرج بس من الحمام و...بترت عبارتها حين  
حانت منها التفاتة الي المرأة المعلقة في الصالمة وشهقت بذعر  
لمرأي شعرها المنكوش فهرولت مسرعة الي الحمام دون كلمت  
بينما عاود صغارها الهبد والرزق والصريخ والجري

يعاجلها زوجها: سمر...الفطار ياسمر...والشاي

تهتف من داخل الحمام: ملحوق علي ايه يانادر ماتصبر لما  
اخلص..يعني لا نوم متهنية عليه ولا حمام مستحكمة عليه

..مش كدا..دا لو عبد حبشي .مشتريينه من سوق النخاسته  
 ماكنتش عملت فيه كدا انت وولادك يانادر  
 تخرج من الحمام حانقة لتتجه الي المطبخ وتشرع في اعداد  
 الفطار يقف معها يلف ويدور كالنحلة يلقي بتعليمات  
 وتحكمات تشعر بغیظ بالغ وتود لو ضربته بالمقلاة فوق ام  
 رأسه

يتناولون افطارهم وسط شد وجذب...ترفع الاطباق وتبدأ في  
 تنظيف المنزل وتطهيره وسط تعليمات برش هذا وذاك وتدخل  
 في تركيز الكلور مع الماء بعصبية ودت معها لو اعطته رشتين  
 علي بيجامته المفضلة.يسألها: حنتغدي ابيه النهاردة  
 تهتف من بين اسنانها وهي تمسح المنزل: انت لست هضمت  
 الفطار لما حتسال عن الغدا يانادر؟ الرحمة حلوة ياخويا ..انا لو  
 مامتش من الكورونا حموت من الساقية اللي بلف فيها زي  
 البهيمه يانادر

يشيخ بيده ساخطا تواصل هي عملها...تهدا المعركة بين  
 اولادها قليلا حين يقرروا البدء في لعبة جماعية تنتهي  
 بالصراخ ايضا

تبدأ في اعداد الغذاء...يدور حولها في المطبخ كسمكة  
 قرش تهم بالتهام فريستها ..حطي بهارات..زودي فلفل ..كتري  
 رز..الاكل حيطلع دلح...ياسمر اللحمة لازم تفك كويس قبل  
 ماتسقطيها في الشورية

تصرخ فجأة رافعة يديها للسماء : يارب زيح الغمة دي بقي  
 يارب...يارب الرجالة ترجع اشغالها والعيال تنزل مدارسها يارب

يترك المطبخ بعدما امسكت بالسكين واخذت تشيح بها  
بعصبية

تشعر بحرق بالغ وهي تقلب التقلية علي النار..فمنذ بدأت  
فترة الحجر وهي تقضي جل وقتها في المطبخ..تعد الطعام  
والشراب..وتنفذ طلباتهم التي لاتهدأ..تلتمع عيناها  
بالدمع..واحششتها غرفة نومها...اريكته الردهة امام التلفاز  
تنهي الغداء...

يهتف زوجها: سمر الشاي بسرعت  
سمر القهوة...سمر اعلمي لنا قرفة بالعسل علشان  
المناعة...سمر شاي اخضر...العشا ياسمر...اديتي العيال العسل؟  
سمر حميهم كويس...

تصرخ: يارب تعدموا سمر قريب علشان ترتاحوا  
اخيرا تجلس امام التلفاز بعد منتصف الليل وقد خارت قواها  
وقد ربطت ايشارب علي رأسها عل الصداع يهدأ قليلا..  
تلقي نظرة مبتسمة علي اولادها الذين علا اصواتهم  
بالشجار والتحمت اجسادهم ككرة كبيرة في معركة  
ملحمية..صرخت بعصبية بالغت: بس،ياوواد ...اسكتي بقي  
يابت

يصرخ ابنها: هي اللي بدأت يلکم اخته عدة لكلمات  
تصرخ اخته وهي تجذب اخيها من شعره: هو اللي بيشتتم...  
تغني ابنتها الصغيرة وهي تتمايل: بهوايا انتي قاعدة معايا  
تصرخ بها: حجيبك من شعرك... ثم تصرخ فجأة في عصبية:  
ماتيجي تشوف ولادك بقي  
يأتيها صوته من غرفته: ولد...بنت

تتجمد لحظات لربما قال او فعل شيئا اخر يسكت به  
اولاده او يفيض الملحمة ولكن لا يحدث فتهاز رأسها في غيظ  
وتلقي نظرة اخري علي كتلة اللحم المتحد حرجة علي الارض  
مد موجة بالصراخ والشتائم

تضع رأسها بين كفيها يخرج زوجها من غرفته قائلا وهو  
يمسك لكرشه : سمر نفسي في حاجة مسكرة...قومي  
اعلمي لنا كيكت

تلقي نظرة علي كرشه قبل ان تهتف من بين اسنانها:  
كيكت ايه احنا بقينا نص الليل دا لو داخل مسابقة في  
الاكل مش حتعمل فيا كدا يانادر..ارحموني بقي..انا تعبت  
يسألها وهو يشير الي رأسها : رابطة راسك ليه ياسمر كدا  
تهتف : من سعادتني...في شوية سعادة بيتتططا جوه مخي  
دلوقتي

ينفض التشابك فورا ويهتفوا بصوت واحد: عاوزين  
كيكت...عاوزين كيكت

يقول برفق: ياستي مش حتاخذ منك دقائق  
تزرر محنقة ثم تقوم للمطبخ فتقفز ابنتها الصغيرة ذات  
الشعر المنكوش: هيببييه هيببييه  
تصرخ بها: اسكتي يا مقصوفة الرقبة وروحي لمي شعرك  
بدل ما اجيبك منه

تخرج بالكيكت بعد فترة ينهالوا عليها بنهم فتقول : يالا  
بقي علي اوضنا ننام..  
يقول زوجها: انا جبت درة يا اولاد حنعمل فيشارو.....

بتر عبارته حين سمع تكتر ورأي امامه شيئاً لامعا فهتف  
بذهول وهو يبرق له: ايه دا ياسمر بتفتحي في وش جوزك  
مطواة قرن غزال؟ هي حصلت؟

لوحت بالمطواه في وجهه وهي تقوم ببطء وتهتف متوعدة: لا  
لو ما لميتش نفسك واولادك ودخلتوا نمتوا دلوقتي ولايمتوها... انا  
حضور بيها قتيل هنا ≡

انتفض واقفا وهو يهتف مبتعدا بذعر: لا انتي اتجننتي رسمي  
هتفت وهي تجري وراءه مشيحة بالمطواة: ايوة انا اتجننت  
..حتناموا بما يرضي الله ولا استخدمها بما لا يرضي الله  
هتف وهو يجري في كل اتجاه مع اولاده الذين يصرخون  
بارتياح وهم يفرون هارين: يالا يا اولاد انفذوا بجلدكم  
...امكم اتجننت خلاص

هرولوا الي غرفهم واغلقوها خلفهم بارتياح بينما اغلقت  
مطوتها واطلقت زفرة حارة قبل ان تجلس امام التلفاز وقد شعرت  
بالهدوء اخيرا

تمت

## يوميات أم في الحجر ٢

سمر تجلس امام التلفاز تتابع بعين متلهفة اخبار الفيروس داعية ومبتهلة ان تمر هذه الموجة علي خير..وحتى يمكنها ان تطالب زوجها باحتياجات رمضان..ففي ظل هذه الظروف مؤكدا انه سيتلكك ويتحجج بالكورونا ليتملص من شراء مستلزمات رمضان...قطع افكارها هتافه الغاضب :

سمر..ياالسمر

تطلق زفرة غيظ ثم تهتف: في ايه تاني يانادر..لست ميعاد

العشا ماجاش

اقترب منها حاملا شيئا ما وهتف وهو يشيح بيه امامه: ايه دا

ياهانم؟

تأملت قطعة القماش الذي يمسك بها وقالت ببساطة: ايه يا

نادر..دا البوكسر القديم بتاعك

يقول وهو يلوح به بغضب: اه واخذ بالي بس ايه بقي اللي

وداه المطبخ؟

اجابت ببساطة وتعجب: بيعمل ايه؟ دا سؤال تسأله؟ بيمسك

بيه الحلل السخنة والتاني بطوق بيه الرخامة وكدا يعني

هتف مستنكرا: نعم؟ هو كمان في تاني؟

قالت: وتالت ورابع انت متضايق ليه مش فاهمة

هتف بغضب: دي حاجتي ياهانم ..بوكسراتي ..ازاي

تمسكي بيها حلل .. وتطوقى بيها الرخامة؟ ناقص سنت تقولي

بمسح بيها السيراميك

قالت ببساطة : لا يا حبيبي طبعاً انا عملت من القميص  
الكاروه شرشوبتة بمسح بيها قطن وحلو وييمتص المية  
كويس

هتف بغضب : كمان؟

سمر مهدئة: انت ليه محسسي انك متفاجئ الموضوع دا بقاله  
زمان وبعدين دول قدام يا نادر ماتكبرش الامور بقي ..مش  
كل حاجة تقعد تدقق فيها كدا تعمل مشكلتة  
اطلق زفرة غاضبة وابتعد فعاودت هي متابعتها للتلفاز  
لتفاجئ بعد قليل بهتافه الثائر : سمر...اتتي ياست هانم  
هزت رأسها بغیظ قبل ان تهتف : في ايبيه يا نادر  
اقترب منها ثانية وهتف: ممكن اعرف ايه دا كمان؟  
تطلعت الي ماييده ثم قالت : دا كالسوناك القطن..  
هتف بغضب : ايوة عارف برضو...بس ايه اللي حطه قدام  
الحمام ...

هزت كتفها قائلة : اه لقيته مقطوع من الحجر قلت احطه  
دواستة قصاد الحمام

هتف مستنكراً : نعم مقطوع من الحجر...تصدقي لولا  
الحجر الصحي كنت جبت المأذون حالا وطلقتك  
قالت بتعجب: في ايه يا نادر هو انت بتتلكك في الخناق ولا  
ايه؟

هتف مشيحا بيده: لا بس واضح ان في حالة استهتار بجوزك  
وكل اللي يخصه..عاملتة كلسوني دواستة..وقميصي  
شرشوبتة وبوكسري مبهدلاه في المطبخ دا يدل علي ايه يهانم



قالت من بين اسنانها: يعني عاوزني اعمل لهم ايه ؟ احطهم في المتحف؟ ما لازم نعمل لهم اعادة تدوير يانادر هتف بحنق : واشمعني حاجتي انا بقي اللي تتبهدل كدا ؟ ماتعملي بهدومك انتي

قالت بهدوءٍ مثير : هذا ما وجدنا عليه امهاتنا..معروف كدا ان حاجات الراجل القديمة هي اللي بتستهلك...ماما كانت كدا بتاخذ حاجة بابا ترمطها ولو نزلت تحت عند امك حتلااقي نفس الشيء..مامتك عاملة من هدم ابوك القديمة..مساحة ودواستة وزعافتة سقف وكمان عاملة خدديات منها ومفرش للتراييزة ومطرزاها كمان تاك اتايزي بقي

قال متوعدا : ماشي ياسمر ابتعد محنقا بينما هزت كتفها بالامبالاه...بعد فترة يتعالى هتافه ثانية: سمر انتي ياست هاانم زفرت قائلت : نعم يا نادر نعممممم...انا عارفتة انها حتبقي اجازة طين فوق راسي هتف : تعاليلي هنا

اسرعت الي غرفة نومها فهتف وهو يلوح بشئ ما في وجهها: ممكن اعرف ايه دا كمان؟

قالت بارتباك وهي تتأمل الدفتر: ايه دا لقيته فين؟ قال وهو يلوح به في وجهها : لقيته مستخبي وسط هدومك ياهانم..وانا بدعبس في الدولاب

تقول ببرود: وانت بتدعيس ليه ...حد قالك دعيس في اللي  
مايخصكش؟ اهو كل ماتدعيس اكثر حترعل اكثر  
واكثر

يصرخ بغیظ: ردي علي سؤالي ياهانم  
تلتقطه من ايده وتقول : اهو زي ما انت شايف دا دفتر توفير  
قال بغضب: فاتحت دفتر من ورايا ؟

قالت بحدة : ايوة يانادر فتحت دفتر...عمال تبعتز في الفلوس  
بيمين وشمال ومش عامل حساب للزمن قلت اخنصر منك علي  
قد ما اقدر واحطهم في دفتر توفير ماحدث عارف بكرة فيه ايه  
...ايه المشكله؟

تراجع مصدوما وقال : تخنصري؟ما شاء الله وايه كمان يا  
سمر..مخبيته عني ايه تاني؟...دا واضح اني لازم اشكر فيروس  
كرورنا ان خلاني اخد بالي من اللي بيحصل في بيتي..بقي انا  
طول الوقت دا بشقي واتعب وداير في الساقية علشان اكفي  
بيتي وطلباتك انتي واولادك وفي النهايه اكتشف اني  
مخدوع؟.نايم علي وداني ؟هي دي سمر اللي  
عرفتها...سمر الرقيقة الهاديه؟ اللي ماكنش بيطلع لها صوت؟  
سمر اللي ماكنتش تستحمل كلمه تعييط وماترتحش الا لما  
اصالحها ؟دلوقتي بتقولي حجره مقطوع وبخنصر ؟والمنطشقة  
وصوتك جايب لنهايه الشارع ؟.ازاي اتحولتي كدا وامتي...هته  
هتفت فجأة بمرارة (موسيقى حزينه ويفضل ربايه) : ايوة  
اتغيرت يانادر ومن زمان قوي ..اتغيرت وانت السبب  
ردد مستنكرا : انا؟

تلف حوله قائلة بمرارة ( موسيقي حزينتة ) : ايوة انت...انا  
 اتغيرت بسببك..ورقتي ضاعت بسببك..عارف ازاي ؟ من اول يوم  
 في جوازنا لما طلبت مني اطبخ لك باميتة باللحمة والدهن  
 الضاني...وكوارع ماتعرفش جرحتي قد ايه وصدمتي ..بدل  
 ماتعزمي بره بتطلب اطبخ ومش اي طيبخ يانادر دي كوارع ولما  
 كنت بتشد البطانية مني في عز الشتا وتتغطي بيها لوحدهك  
 وانا برتجف من البرد بعد ماكنت في الخطوبة بتغطيني  
 بالجاكت بتاعك ...لما كنت بحط الاكل يانادر وتهجم زي  
 مايكون بنتسابق مين ياكل اكثر من غير ماتفكر  
 تأكلني زي ايام الخطوبة ..ماتعرفش دا كان بيوجعني قد  
 ايه..لما خرجتني اول خروجة في جوازنا ووديتني مسمط تتغدي  
 فيه..وخلتني اشوف لسان البقرة عايم في الشورية وانت نازل  
 اكل وشرب في الشورية بصوت واصل لميدان التحرير..لما كنت  
 بتجيلي ايام الخطوبة لابس اشيك لبس وبراندات واتفاجئ بعد  
 جوازنا بيوم دولابك اللي ماليان بيجامات كستور مخططة  
 وكالسونات وتقولي بكل جراءة وفي وشي انك بتدفي بيهم  
 ...وفي الاخر يا نادر تقولي انتي اتغيرتي ليه ؟ كان لازم اتغير لان  
 وقتها حسيت اني عايشة في غابة والبقاء فيها للاقوي والاسرع  
 يقول : يااااه يا سمر؟ كل دا شايلاه في قلبك ؟ انا وحش

قوي كدا؟ ياتري مخيية ايه تاني في قلبك  
 قالت بألم وهي تمسح دموعها : تعرف اني مابحبش صدور  
 الفراخ؟ الفراخ المحمرة .طبعاً..طول عمري مابحبش الا  
 الورك..ومع ذلك كنت باكل الصدر غصب عني علشانك..لانك  
 مابتحبش الصدر..قلت يابت عادي المهم هو يبقي مبسوط...

عمري ما حسستك لحظتة اني بحب الورك ودلوقتي جاي تلومني ؟

اجهشت بالبكاء

بينما تأملها هو مشدوها وبدا الندم واضحاً علي ملامحه قبل  
ان يقول برفق: خلاص ياسمر .. انسي كل اللي قلتة وتعالى  
نبدأ صفحة جديدة مع بعض ..

سمر وهي تمسح وجهها : طيب مسمحاك بس اعمل حسابك  
بقي عاوزين نشترى ياميش رمضان .. كل سنتا وانت طيب  
قال مبتسما في خبث : طبعا يا حبيبتي حنروح نسحب  
الفلوس اللي في الدفتر اللي خنصرتيها من ورايا ونشترى كل  
اللي انتي عاوزاه ... تجمدت في مكانها ملتاعة بينما غادر الغرفة  
بثقتة فتهوت علي فراشها باكيته وهي تهتف: منك لله  
ياكورونا... اشوف فيكي يوم ياكورونا

تمت

## يوميات أم في الحجر ٣

كانت سمر في المطبخ كعادتها تعد الطعام حين دخل عليها صغارها متأففين مستائين : ماما فهتقت بهم بغضب: نعم داخلين لي هنا ليه؟؟...انا ماصدقت ابوكم ينام شوية ويحل عن سماي في المطبخ تطلعوالي انتوا ابنها الكبير بممل: زهقائين ياماما عاوزين نخرج بقي قالت بلهجة قاطعة: مافيش خرووووج قلنا...اتهدوا ابنتها متأففة: ولغاية امتي بقي حنفضل محبوسين في البيت  
كدا

سمر وهي تقلب الطعام: لغاية ما كورونا تحل عن سمانا بنتها الصغيرة : اوف كل حاجة كورونا كل حاجة كورونا  
سمر بغضب : بس يامقصوفت الرقبة؟؟..مابقاش غيرك انتي  
كمان

ابنها : طيب قولي لنا ياماما نعمل ايه؟! احنا زهقنا سمر بثقة: روحوا العبوا بالعرايس يالا وسيبوني اطبخ بنتها الكبيرة باستنكار: نلعب بالعرايس؟؟ احنا كبرنا ياماما علي كدا

قالت سمر بغيظ : كبرتي ايه يامقصوفت يابتاعة تالنته ابتدائي انتي ..دا احنا وخالاتك كنا بنلعب بالعرايس لغاية مادخلنا الجامعة كنا بنعاملهم زي اولادنا وينديهم اسامي ونفصل لهم هودوم. خالتك سند الكبيرة مثلا وهي بتتجوز لمت

لعبها وعرايسها وحطتهم في كرتونه في العزال علشان تلعب  
بيهم في بيتها لولا ان جدتك اخدت بالها وجابتها من شعرها  
وبهدلتها.. اما انا القصد خالتك فداء سحت تيتة وخذت عرايسها  
في جهازها وفضلت تلعب بيهم نينة هووو نينة هوووو لغاية  
ماجوزها زهق جابها لنا بشنطة هدومها وتيتة برضو جابتها من  
شعرها...خالتك حنين بقي لسة بتلعب بيهم وتيتة مش قادرة  
عليها علشان كبرت في السن ومابقتش قادرة تجيب حد من  
شعره خلاص

ابنها محتجا : انا ولد ومش حلعب بالعرايس.عاوز اخرج

بنتها الكبرى : ولا انا ..انا كبرت

الصغير وهي تتقافز : وانا كمان كبلت كبلت

سمر بغيظ: روجي سرحي شعرك يابت

تزفر قائلة بلين:

بصوا يا اولاد المفروض نستغل الظروف ونعمل حاجة  
مفيدة...يعني مثلا فيها ايه لما تلعبوا سوا ..السلم والتعبان..او  
ليدو...اوبنك الحظ

تعرفوا؟ انا وخالاتكم ياما لعبنا السلم والتعبان وبنك الحظ

بنتها بشغف: طيب احكي لنا كتي بتعملي ايه انتي

وخالاتنا وانتوا صغيرين

ابنها باهتمام: ايوة ياماما احكي لنا

بنتها الصغيرة وهي تتقافز: احكي لنا ..احكي لنا

ابتسمت سمر في حنين وقالت: اه يا اولاد كانت ايام

حلوة...جميلة كنا بنلعب جوه البيت استغمايةً ..بنستخي

تحت السرير وفوق الدولاب وجوه الدولاب بعد مانفضي منه



وقع من الدولاب علي الارض ودراعه اتكسر...تيتت قلبت الدنيا  
وجابت خالتكم فداء من شعرها لان هي قالت له اعمل قرد  
واحنا نرمي لك الموز فوق

هتف ابنها بحماسة : يعني كنتوا بتطلعوا فوق الدولاب  
عادي

سمر بحنين: كنا بنعمل كل حاجة وبأدب وبراءة  
مابعدھا براءة

هتف ابنها بحماسة : وايه تاني ياماما  
تابعت سمر وفي عينها ابتسامت حنين: مرة بقي كنا عند  
خالتنا واحنا واولاد خالتنا عملنا فيها دكاترة وجبنا علب  
السمن ودهنا بنت خالتنا الصغيرة بالسمن كلها  
ضحكوا بمرح وهتفت بنتها : الله حلوقوي ..

تابعت سمر : بس خدنا كلنا علقمة محترمة بعدها  
بنتها بتعجب: ليه تيتت كانت بتضربكم كتير كدا  
هزت سمر رأسها بأسف وقالت : ايوة يابنتي مع اننا زي بقية  
الاطفال كنا بنلعب ..ماهو الاطفال لازم يلعبوا ويخرجوا  
طاقتهم

هتفت بنتها الصغيرة : ماهو انتي كمان بتضليلنا ياماما لما  
بنلعب ونكلكب البيت وبتزعقي لنا  
تأملت سمر بنتها الصغيرة بغيظ وغمغت : اخ منك انتي يا  
مقصوفة الرقبية

بالفعل كانت تصرخ وتجري ورائهم اذا ماحركوا الابرة من  
مكانها فهتفت ببعض العصبيّة : يالا بقي روحوا العبوا  
وسيبوني اخلص الطيخ يالا



هرولوا للخارج متحمسين  
 وبعد فترة وبينما كانت سمر تنهي الاكل دخلوا عليها  
 المطبخ وهتفوا بحماسة: ايه رأيك ياماما؟  
 القت نظرة عليهم وهتفت بدهشة وهي تتأملهم: ايه دا ؟  
 عملتوا تمثال من الشمع؟ معقول؟ ازاي  
 هتف التمثال بحماسة: انا مس تمثال ياماما انا باكينام  
 اتسعت عينا سمر بذهول وهتفت: باكينام؟ وايه اللي عمل  
 فيها كدا  
 هتفت بنتها الكبرى: دهناها بالزبدة ياماما كلها زي ما انتي  
 وخالاتي عملتوا  
 رددت سمر باستنكار مذهول: نعم؟ دهنتوها ذبدة  
 ابنها: ايوة... علشان تخف وتبقي كويست  
 هتفت سمر بكل غضبها: الزبدة البلدي اللي مخزناها  
 علشان الحجر خلصتوها علي اختكم  
 ابنها بحماسة: ايوة ايه رأيك  
 صرخت سمر: اه يا كلاب ياقللات الادب ثم انحنت لتلتقط  
 شبيها فصرخوا في خوف وهم يجرون من امامها: ايه ياماما  
 مش قلتي لنا نلعب زيكم وانتوا صغيرين؟ احنا بنقلدك  
 هتفت وهي تجري ورائهم في كل مكان: وانا حقلد تيتة  
 وحقنكم علي قلب بعض النهاردة  
 اخذوا يهرولون في كل مكان فتأملت ابنتها الصغري التي  
 تقاطر منها الزيد في كل مكان قبل ان تتزحلق علي الارض  
 مثيرة الفوضى وانهارت علي الارض هاتفتة وهي تنتحب في  
 انهيار: منك لله ياكورونا.. اشوف فيكي يوم يا صبيين

تمت



قالت امها من بين اسنانها: يقطع ماما وسنين ماما..مالك في ايه؟

سمر باكيّة متشنهفة: نادرياماما

امها من بين اسنانها : ماله نادر...زعلك في ايه

هتفت سمر باكيّة : من ساعت ما بدأ الحظر ياماما وهو قاعد لي علي الواحدة...مركز في كل صغيرة وكبيرة وكل شاردة وكل واردة..اي ساقطة ولاقطة..وكل هفوة او فسوة وكل..

صرخت امها بعصبيّة : ما خلااااص بقي يابت فهمت..انتي

حتقولي شعر

سمر باكيّة : مش مبطل خناق وزهق

اسعاد بعصبيّة : انتي كمان متخانقة مع جوزك ؟ حلاقيها منك ولا من اختك علي رأي المثل يامخلفة البنات ياشايلة الهم للممات ياميلت بختك في بناتك يا اسعاد

اجهشت سمر بالبكاء : مابقتش استحمل ياماما خلاص تصوري انه جاي بيتخانق ان البلكونة سورها قصير ليه وانا مالي بسور البلكونة ياماما

زفرت امها في ضيق ثم قالت : ياسمر ماهو انتي لازم تفهمي ان الرجالت ربنا خلقهم للشغل...الكد والتعب علشان يتهدو..ويتخدموا. قعدة البيت مش ليهم يابنتي بيتخنقوا منها ويطلعوا دا في اي حاجتة ..ماهو ابوكي كدا برضو..اهم بيومين ويعدوا استحملهم بالطول والعرض ...

سمر باكيّة : علي ما اليومين دول يعدوا حكون انتهيت..دا

مايبطلش طلبات ياماما ..وانتقادات..مركز معايا لدرجة انه

قالي اتتي بقك كبير كدا ليه؟ ازاي ما خدتش بالي قبل كدا...شويتة وقالي عينيك ضيقته ومافيهاش رموش..شبه عيون النمل ليه كدا

امها بغضب: حوش الوسامة اللي بتنقط منه حوش...علشان تبقوا تحسوا بيا ابوكم من ساعة ماطلع علي المعاش وهو مجنني وانتوا استحملي ياماما ..بابا طيب يا ماما ..اهو اشربوا من حتتا اسبوع حتتجننوا

تعالى صوت والدها : ماتروح يابني انت وهو بقي..مش في حطر..ياولد مش بكلمك طيب انا نازل لكم اهو تهتف امها بغياط : استني بقي لما اشوف ابوكي اللي مش حي جيبها لبردا

ثم ابعدت فمها من السماعة وصرخت بغياط: حتنزل تتشاكل مع العيال يا حماقي؟؟ زوجها غاضبا وهو يتجه للباب: ههزاهم..العيال دي ما عندهاش اي احساس بالمسؤولية..هو الفيروس انتشر بسبب الاهمال دا ..

راقبته وهو يغادر الشقة ثم امسكت بالهاتف وقالت لسمر من بين اسنانها: اهو كل يوم والتاني جايب لنفسه ولنا المشاكل من ورا وقفته في البلكونة وتقريضة للرياح والجاي امبارح زعق لجوزستات كانوا مقابلين بعض بالاحضان والبوس وهاتك يازعيق وخناق ..شويتة لقينا اجوازهم جايين بالشوم قدام باب البيت وكان عاطف اخوكي حيرتكب جنائية وانا صوتت لما قلت يابس

قالت سمر باكية : فعلا الفضا لهم وحش ...كان معاكي حق ياماما زفتة بزار ولا قعدة الراجل في الدار..اعاااااااااااااااا

صرخت بها امها بغضب: بت انتي انا ودني ملتهبتة وبتوجعني  
حتصرخي وتعيطي قسما برب العزة لانزل في الحظر وادفع  
الاربع تلاف جنيه مخصوص علشان اجيبك من شعرك انتي  
واختك اه انا مش ناقصة قرف

مش كنتي حتموتي علي سي نادر يسيب القهوة واصحابه  
ويقعد لك..اشبعي بقي منه جتكو قرف..عيلتة غم

سمر: كدا ياماما؟ طيب اشتكي لمين طيب  
امها بغيظ: بصي ياموكوستة..زي ماقلت لك الرجالة  
مخلوقة للشغل وهدة الحيل مش للفضا..هو بيعمل كدا من  
الفراغ انتي بقي بشطارتك املي له الفراغ دا..ماتديهوش فرصتة  
ياخذ نفسه...من ساقط للاقط ماتريحيهوش

سمر متسائلة: ازاى يعني

امها: لهوجيه..خليه يشتغل معاكي في طلبات  
البيت..ينظف ويمسح ويكنس ويطبخ..خليكي  
ناصحة زي المزغودة مرات اخوكي طول النهار طالع بالغسيل  
ينشرة نازل بالسجاد ينفضه..طالع بالسلم تسييق نازل في  
البوتجاز تلميع...دي من جبروتها خلته يفتح المطبخ علي  
الصالة ويهد الحيطتة بينهم

سمر متعجبة: واللله؟ هد الحيطتة

امها مؤكدة: ايوة..بت ناصحة واكلاه بالدلع والسهوكتة  
..بيبقى قاعد معايا تنده عليه عاطشيبيف..يطلع جري مش  
زيك انتي واختك مواكيس طالعين لامكم زي الغفر.

سمر: لما اشوف



## يوميات ام في الحجر ٥

جلس نادر في صالّة منزله امام تشت الغسيل يدعك احد القمصان وهو يدندن في ابتئاس : ليه يازمن ماسبتنااااش ابرياااا..واخذنا ليه في طريق ممنوش رجوووع هز رأسه في ألم ثم القي نظرة علي ابنه الذي يلعب الكورة بجانبها وينططها وهتف : بس ياواد..بطل تنطيط حواليا يا واد ..الطم ياواد ؟

رن هاتف المنزل فقال بعصبيّة : شوفي التلفون ياسمر..ايدي مش فاضيّة ياسمر...بدعك ياقات القميص ياسمرررررر خرجت سمر من المطبخ هاتفّة : حاضر يانادر مالك ..رايحت اهو كنت بعلق علي الشوريّة

اتجهت للهاتف بينما ردد وهو يرمقها بحسرة: اعلق علي الشوريّة؟؟. واضح اني قعادي في البيت وضح لي حقايق كثير كانت غايبة عني..الله اعلم لو استمر الحجر شويّة كمان حكشف ايه تاني وحياتي معاها حتستمر ولا لا ثم التفت الي ابنه وصرخ : روح العب في اوضتك ياواد...اشق هدومي للدليل ياواد؟

اما سمر فالتقطت سماعة الهاتف وجلست قائلّة : الو؟ اهلا ياماما..عاملّة ايه؟...لا الحمد لله كله تمام امها : عملتي ايه مع جوزك؟

القت سمر نظرة علي نادر الذي انهمك في دعك القميص وابتسمت قائلّة : والله ياماما انا نفسي ابوس راسك..نفذت

كلامك كله ومن ساعتها وهو شغال اربعة وعشرين ساعة  
ياماما.. صلح لي لمض الكهريا كلها اللي بقالها سنين ما  
اتصلحتش.. ظبطلي النجارة.. السباكة.. ودهنلي حيطان  
الريسبيشن وسلك لي البوايع.. بصي ياماما ما شافش راحت  
امها مبتسمت : ايوة الشغل ليهم دوا.. اهو انا مسكت  
ابوكي.. قلت ما بدهاش اشغله بدل ما كل شوية قاعد يجيب  
لنا مشاكل من قعدته في البلكونة.. اشترت ثلاثين كيلو  
توم جديد للتخزين وقلت له يتسلي في تقشيرهم واهو بقاله  
ثلاث ايام بيقتشر فيهم... استني كدا ابعدت فمها عن الهاتف  
وقالت بعصية : حمااقي ماتدشش التوم كدا يا حمااقي انا  
مش حطبخه دلوقتي دا حنخزنه.. كدا حتبوظه يا حمااقي  
اتاها صوت والدها يهتف ساخطا : انا عارف بعمل ايه يا  
اسعاد.. بس خلي بالك الديق فريزر مش حيكفي كل دا  
اسعاد : لا قشر انت بس ومالكش دعوة انا حتصرف.. ركز  
في التقشير

صوت تنفيذ سجاد.. اقلت اسعاد نظرة ل فوق وقالت  
متهكمت : نفص يا عاطف نفص... نفص السجاد يا ابن  
الموكوستة.. كنت بجوزك علسان تنفص السجاد  
هتفت سمر من بين اسنانها : وفيها ايه ياماما.. ما نادر بيعملي  
اهو وبابا بيعملك اشمعني عاطف ايه ازدواجية المعايير دي ؟  
امها مغتاظت : بس يابت احسن اجيبك من شعرك... الحلو  
اخوكي علي كدا طول السنة.. مش بس الشوية بتوع  
الحجر.. انا حاسته اني جوزت عواطف مش عاطف.. ناقص يتش  
لها ملوخية ويعمل تقلية



هزت سمر رأسها بغير رضا ثم قالت : طيب ياماما حروح اشوف  
الاكل

امها : وانا حروح اشوف ابوكي ساب التقشير وطلع علي  
البلكونة حلحقه قبل مايجيب لنا مصيية  
اغلقت كلا منهما الهاتف واتجهت سمر الي المطبخ والقت  
نظرة علي نادر الذي حمل الغسيل الي البلكونة لينشره وقالت  
نادر اقلب الهدوم قبل ماتنشرها ياناديبير  
نادر وهو ينفذ القميص : حاضريا سمر عارف  
سمر برضا: ايوة كدا نفضه قبل ما تنشره علشان  
مايكرمش

نادر بعصية وهو يلوح بالقميص : قلنا حاضر بقي  
ماتخرجنيش عن طوري  
اسرعت الي المطبخ اعدت الغداء وجلسوا يتناولونه في هدوء  
فقالت سمر : ناديبير بعد ماتتعدي وتشرب الشاي..عاوزين نغسل  
بس السجادتين بتوع الريسييشن علشان رمضان كل سنتا  
وانتش طشيب ياناديبير  
قال بحق: طيب اكمل اللقمة وبعدين الحقيني بالطلبات  
ياسمر مش كدا...

سمر مهدئة : لا كل ياخويا براحتك..وعلي اقل من مهلك  
الليل طويبييل حنعمل فيه كل اللي احنا عاوزينه واكثر  
نهاية الليل جلس نادر رابطا رأسه امام التلفاز وجلست سمر  
بينما اخذ الاولاد يلعبون ويصرخون حولهم..تأملهم لحظة في  
ابتئاس قبل ان يهتف : بس ياواد...اسكتي يابت  
وضعت سمر الشاي فقال : اول مرة اتأكد اني ماعرفتش اربي

قالت وهي تجلس وتناوله الشاي : ياما كنت بقولك  
وبشتكي لك تقولي استوعبيهم ..ما تزعقيش وتعلي صوتك  
..دول اطفال ..ماكنتش بتصدق

هتف : لا دول مش اطفال ياسمر..احنا ماكانش كدا  
ياسمر سألته ببراءة : انت رابط راسك ليه كدا يانادر  
نادر وهو يرمقها بنظرة مريرة مهيضتة : نقح في دماغى ..نقح  
مايبطلش اخدت خمسة بنادول ومافيش فايدة  
سمر : سلامتك يا حبيبي من النقح ..علشان بس مش  
متعود ..كلها كام يوم تتعود وتنح وتاخذ مناعة  
رمقها بنظرة اخري مريرة قبل ان يغمغم : تنتح؟ كدا كثير  
عليا علي فكرة...كثير قوي

سمر متوددة وهي تناوله كوب الشاي: بقولك  
ياناديبيير..بككرة بقي حنعمل تغيير في الشقة..حننقل اوضة  
النوم جوه ونجيب الصالون بره..وننقل السفارة جنب المطبخ  
وضع يده علي رأسه وهزها قائلا: بككرة ياسمر يحلها  
الحلال...مش جايز يجي بككرة ماتلاقونيش معاكم؟..السر  
الالهى يطلع

سمر بسرعة: لا بعد الشر عليك يا نادير ماتقولش كدا ربنا  
يطول في عمرك يا حبيبي ويخليك لنا  
هتف بصوت متهدج: لو بالطريقة دي مش عاوز عمري يطول  
اقترب ابنه منه وقال : ماما عاوزين بسكوت  
(موسيقى حزينة)

تراجع نادر مصعوقا وردد بصوت مرتعش : بتقولي ماما يا  
ادهم؟...هو علشان غسلت فومين غسيل وسيقت الشقة وربطت

راسي بقيت ماما خلاص؟...بابا انتهى من حياتكم....خلاص  
نسيتموا بابا؟

اطرق ادهم برأسه في ندم ورمقته امه بنظرة غاضبة  
وغمغمت : اه يامقصوف الرقبة...ادخل اوضتك انت واخواتك  
دلوقتي ..انطلق ادهم واخواته بينما التفتت الي زوجها الذي تجمد  
في مكانه وتحجرت الدموع في عينيه وهو يردد مشيحا بيده  
في مرارة : للدرجت دي قعادي وسطيكم محي وجودي كأب؟  
سمر وهي تربت علي كتفه : معلش ياخويا ..زلت لسان  
..الواد مايقصدش

يقوم ببطء ويتجه الي غرفته مترنحا في الم تراقبه بعين  
ملتاعة وما ان دخل غرفته حتي تهاوي الي السرير واجهش  
بالبكاء الحار وهو يردد: منك لله ياكورونا ...يارب تعدمي  
خفافيشك وفيرانك ياصبيين

تمت

## يوميات ام في الحجر ٦



جلست اسعاد والدة سمر تقشر البطاطس امام التلفاز تتابع  
 بأعصاب مشدودة اخبار الفيروس وغمغت بغضب : حسينا الله  
 ونعم الوكيل...يعني علشان واحدة تتشك في معاميعها تعمل  
 شوريتا تعابين وخفافيش لولادها في الصين احنا نتبهدل هنا ليه  
 ؟! لو مكنوني منهم..حجر جرهم من شعرهم كلهم  
 اتاها صوت زوجها من المطبخ: بتكلمي نفسك يا اسعاد؟  
 قالت اسعاد ساخطة : جعل ايه يا احماقي ماهو الواحد  
 مابقاش فيه عقل خلاص...

خرج من المطبخ متسائلا : هو انتي ناوية تطبخي بالقوطة  
 اللي جوه دي كلها

قالت وهي تقشر: ايوة في حاجت  
 قال معترضا : كتير يا اسعاد..كتر الطماطم بييجيب  
 حموضة وتقييل..قللي شوية يا اسعاد ..بتحطي بالكيلة ليه  
 كدا

هي متذرعة بالصبر : انا طول عمري بطبخ بالكمية دي  
 يا احماقي..اخرج بس انت من المطبخ وهي تعمر  
 هو : يا اسعاد لمي ايدك شوية يا اسعاد ماتبعزأيش النهاردة  
 غير امبارح .. احنا في عرض طمطماية اليومين دول ..مش  
 عارفين بكرة حنلاقي الطماطم ولا حتطبخي من غير صلصة  
 يا اسعاد

هتفت بعصبيّة : خلاص بقي يا حماقي ما تكرر كبش  
الدنيا فوق دماغى اكثر ماهي متكر كبة ..انا مش ناقصة  
..اقفل التلاجة واخرج من المطبخ

رن جرس الهاتف فقالت بعصبيّة : كان حجر اسود علي  
دماغى..انا محبوسة هنا ما بين تليفونات العيال والقرق اللي مش  
مبطل من ابوهم..يارب اديني الصبر  
تركت البطاطس واتجهت للهاتف بينما دلف زوجها الي  
المطبخ ثانية ليواصل مهامه

رفعت السماعة وقالت بضجر: الو..ايوة يا سمر

سمر باكيّة : الحقيني ياماما

هتفت امها بقلق : مالك يا سمر بتعيطي ليه كفانا الشر

سمر متشنهقة: نادري ياماما نادرررررر

قالت امها بقلق متزايد: ماله يابت؟ جاله كورونا؟ يا سوادك  
يا اسعاد...يا مصيبتك في جوز بنتك يا اسعاد يا حبيبتي يابنتي  
ماشفتيش يوم راحة و...

صرخت سمر بعصبيّة مقاطعة: ياماما مش كدا.. يوووووه

امها وقد هدأت قليلا: اومال ماله يابنتي خضتيني

سمر باكيّة: جاله انهيار عصبي حاد

اسعاد وهي تضرب صدرها بيدها: يالهوي؟ ليه كدا؟ ايه

اللي حصل؟

حماقي خارجا من المطبخ حاملا حلة: اسعاد..المكرونة دي

بقالها قد ايه في التلاجة؟

التقت اليه اسعاد قائلة بسرعة: بقالها ثلاث ايام..سيبها

حبقي اسخنها لك في العشامع حتة اللحمة المحمرة اللي جوه

حماقي غاضبا مشيحا بالحلّة في وجهها : ومين قالك اني  
حاكل مكرونته بايتة ومتسخنة؟

هي بنفاذ صبر : ماتاكلش منها يا حماقي انا حاكلها  
انا..سيبني بقي اشوف بنتك مالها

هتفت سمر في التلفون : يامامار كزي معايا

هتفت اسعاد من بين اسنانها : حركز ازاي وابوكي زي  
الدديبان من ساعة ماصحي وهو حاشر راسه في في التلاجتة  
وشغال ندب وقرق وزن

عاد حماقي الي المطبخ مبرطما في سخط حاملا الحلّة:  
علشان دايم اقولك تعملي الاكل علي القد..بتطبخي بالقنطار  
مكرونته والقنطار رز..بتطبخي لفواعليّة؟ دا انا وانتي  
بس..طبعا ماهو مال سايب

هي مغمغمة: بوريبسيي منك بوريبسيي المهم جوزك ماله يا  
سمر

سمر : بقاله يومين ياماما يبقي قاعد جامد زي التمثال  
مايبتكلمش.. وفجأة يجري زي الصاروخ ناحية الباب وهو  
بيصرخ : انا خارج لكورونا تموتني... انا خارج لكورونا... انا  
جايلك يا كورونا

وانا واولاده نجري وراه نشده وننقل الباب بالترابيس واقعد  
اهدي فيه واقرأ له قرآن

امها في لوعة: يانداشتي؟ ليه كدا بس..

اتي حماقي مسرعا وتساءل: نادر ماله ايه جراه ايه غير له  
حاله

اسعاد من بين اسنانها: تعبان ياخويا.. هو انت حتلحن لي يا  
 حماقي؟ ماتغني يا حماقي هو ذا اللي ناقص  
 اشاح بيده ساخطا وعاد الي الثلاجة مبرطما: تلاقي بنتك  
 هي السبب اكفي القدرة علي فمها تطلع البنت لامها..  
 تابعت سمر باكيّة : جبت له الدكتور امبارح ياماما  
 كشف عليه قالنا دا انهيار عصبي حاد ولازم له راحة تامّة  
 وهدوء اهئ اهئ اهبي

امها بدهشة: وجاله منين الانهيار دا

سمر باكيّة : الدكتور بيتقول ان الغسيل والمسيح  
 والكنيس والطبخ ودعك المواعين وغسيل السجاد وتنفيذه  
 جرح وطعن وكسر كرامته كرجل وحز في نفسه وهز  
 ثقته بنفسه وقهر قلبه وحطم اماله ولما ادهم غلط وقاله ياماما  
 كانت الكلمة دي القشة اللي قسمت ظهر البعير... الزناد اللي  
 اطلق الرصاصه... البنزين اللي اترمي علي النار.. المفجر لطاقة  
 الغضب جواه.. التكتة اللي....

صرخت امها في عصبيّة: قسما برب العزة ياسمر لو ما  
 اختصرتي في الكلام لاركب توكتوك واجيلك اجر جرك  
 من شعرك

جري ابيه يابا؟ حتقولي شعر؟ جتكوا نيلا فلقنتوني .

سمر باكيّة : الدكتور كتب له علي علاج وقالي ريحيه..

ريحيه ..تلات مرات وهو ييزغر لي ويجز علي انياه

امها غاضبة : ماهو اتني السبب يامقصوفة الرقبة

سمر في دهشة: انا ازاي ؟

حماقي قادما من المطبخ هاتفا في غضب وهو يحمل طبق به  
 فطير: اسعاد لما في فطير في التلاجة مابتقوليش ليه؟ كان  
 نفسي اكل فطير بالعسل الابيض في الفطار يا اسعاد

اسعاد صارخة: "ماهو كان قدامك يا حماقي هو انا مخيباه  
 حماقي غاضبا ملوفا بطبق الفطير: حشوفه ازاي وانتى دفساه  
 في اخر رف في التلاجة ..تلاجة دي ولا سوق كانتوا. انا  
 حجيبها لك عاليها واطيها

اسعاد صارخة: شفتي ابوكي ياسمري يعني ارقع بابصوت الم  
 عليه الجيران واخلي اللي مايشتري يتفرج دلوقتي  
 عاد الي المطبخ مبرطما بينما هتفت سمر بعصبية: ياماما هو  
 انا كل ما اكلمك في التلفون تتخانقي انتى وبابا حرام  
 عليكم

امها زاجرة بغضب: جتك مو يا شيخخة.. انتى تسكتي  
 خالص.. ايه اللي وصل جوزك لحالته دي  
 سمر: مش كنت بنفذ نصيحتك

امها: بقولك تشغيله مش تشغيله في الوسيه زي العبيد  
 المناكيد اللي فيها السيد

سمر محتجة: الله؟ اشمعني عاطف اخويا  
 امها مغتاظة: لان مراته ناصحة بتضرب وتلاقى.. تشغيله بس  
 بتدلعه.. تديله شغل وتهون عليه بدلع.. بترضي رجولته وهي  
 ممر مطاه زي العبد الحبشي

انما انتى يا هبله يا بنت الهبله بتضربي بس  
 مابتلاقيش.. الراجل اتبهدل.. روحي منك لله



سمر باكيّة : ماهو انا كنت خايفة الحظر يتشال ويطيير  
علي القهوة..مش حعرف امسكه تاني  
امها صارخة وهي تلقي نظرة علي حماقي الذي اخرج كل  
مكونات التلاجة خارجا واخذ يقلب فيها: ياريتة يتشال  
بقي...ياريتهم يطيروا علي القهوة..عاوزين نتنفس؟ دا سواد ايه  
دا؟

سمر : اعمل ايه ياماما مع نادر..

امها بغضب وهي تلقي نظرة علي زوجها الذي بعثر محتويات  
التلاجة علي ارضية المطبخ وفتح الديب فريزر: امنعي اي طلبات  
خالص وريحيه زي ما الدكتور قال ...دا مهما كان لحم ودم  
زمان امه بتدعي عليك من جوه قلبها  
سمر: حاضر

امها متعجلة: طيب روحي شوفي جوزك واقفلي بقي علشان  
ابوكي كدا شكله مش حيجيها لبر اقفلي  
اغلقت اسعاد وهتفت : حتخرج من المطبخ وتقف التلاجة  
ولا اصوت والم الجيران علينا ؟ ماهو اصل السنة دي شكلها  
حلوة علينا قوي

هتف محتجا كطفل: بروق التلاجة و.....

صرخت : اخرج يا حمانا اقييييييييي...سيب المطبخ واخرررج

بقاااااااااااا.. روح البلكونة شوية بقي

هرول الي البلكونة مسرعا ومخضوضا .. بينما القت نظرة  
علي المطبخ ومحتويات التلاجة الملقاة ارضا واجهشت بالبكاء  
المريير

تمت

## يوميات امر في الحجر ٧

استيقظ حماقي من نومه فتثائب وتمطع ثم القي نظرة علي المنبه بجواره وغمغم : انتاشر الظهر ؟ عال وماحدش يصحيني..طبعا هي حتصحيني ليه ؟ هي اساسا عاوزاني انام ما اقوم..مالاشي يا اسعاد قايم لك اهو قام من فراشه ولبس نظارته واتجه الي الخارج متحفزا فوجد اسعاد تجلس امام التلفاز وامامها تل من الباذنجان والكوستا والفلفل تقوم بقويرهم فقال محنقا: ايه يا اسعاد سايباني انام للضهر ليه؟ ليه ماصحتنيش؟

اسعاد بهدوء مثير وهي تقور الباذنجان : واصحيك ليه يا حماقي حتتحق الديوان؟ ما انت فاضي طول اليوم حماقي غاضبا : ولو صحيني برضو..ولا حتصحيني ليه انتي نفسك تشوفيني جشثا هامة

زفرت اسعاد وقالت : يافتاح ياعليم يارزاق ياكريم...قول يا صبح يا حماقي خلي النهاردة يعدي علي خير

اشار الي تل الباذنجان والكوستا وتساءل — وايه دا كمان حتعملي ايه يا اسعاد؟

اسعاد التي اخذت تقور الباذنجان : زي ما انت شايف تعمل محشي

حماقي : اه.. واخذ بالي بس ايه هرم خوفو اللي انتي عامله دا ..عاملت عزومت؟

اجابته بهدوء مثير : اه عاملت عزومت يا حماقي..



اسعاد صارخة : ايدي مش فاضية يا حماقي بقور المحشي  
هات لنفسك

حماقي: يعني اخرج لكم من الحمام ملط  
شهقت ايمان في لوعته خصوصا بعد سماعها همهمات  
وضحكات الطلاب ولكنها تماكنت نفسها وقالت : ركزوا  
معايا يا اولاد..النهاردة حنتكلم عن الفيروس كوفيد ١٩  
بطريقة مختلفة..ازاي ممكن نسيطر عليه ومش بس كدا  
نوجهه للقضاء علي بعض الاورام المستعصية و...

بترت عبارتها حين فتح الباب فجأة وهجم عليها اولاد سمر  
هاتفين : هيببييه خالتو ايمان جت خالتو ايمان جت

تعالى ضحكات وهمهمات الطلاب  
فقطعت الخط بسرعة وقالت مبتسمة من بين اسنانها وهي  
تسلم علي اولاد اختها : اهلا يا اولاد..حخلص بس المحاضرة دي  
واجيلكم علي طول..يالاي احبايبي استنوني بره  
خرجوا جميعا فأعادت فتح البرنامج وقالت متحنحة:  
اعذروني يا اولاد ..يالانا نكمل المحاضرة كنت بقول ان  
الفيروس...

تعالى صوت اختها سمر : ماما ايمان فين الندلته وحشتني قوي  
جبت لها فانوس رمضان اللي بتحبه

امها : جوه بتدي محاضرة للطلاب حتخلص وتخرج..حتفرح  
قوي بالفانوس اصلها زي العيال الصغيرين بالظبط  
احمر وجه ايمان وضغطت علي اسنانها غيظا بعد تصاعد  
همهمات وضحكات الطلاب ولكنها قالت مغلوشة - معايا يا  
اولاد!..دلوقتي احنا كأطباء في الازمة دي مش بيهمنا ان...

فتح الباب فجأة وهتف ادهم : خالتو ايمان مش حنلعب دور  
بابجي سوا ؟...بس مافيناش من عياط لو اتهزمتي زي المرة اللي  
فانت

تعالت ضحكات الطلاب فاغلقت ايمان الخط بسرعة وقالت  
مبتسمته في قهر : لما اخلص المحاضرة يا ادهم ..خلاص يا حبيبي؟  
يالايحبيبي ..ياحبيبي

خرج ادهم ولم تكذ تفتح الخط حتي قامت باكينام  
الصغيرة برزع الباب هاتفت : خالتو ايمان مش حتلعب معايا  
لاعبيتي والاعبك؟ لاكسر صوابعك.

اغلقت ايمان الخط مرة اخري بسرعة وهتفت ببكينام : لما  
اخلص يا باكي المحاضرة...استنيني بره شويت...  
مممكن ياروحي؟

باكينام وهي تنفخ في زهق مغادرة الغرفة: يوووو  
عاودت فتح الخط لتجد ضحكات الطلاب العالية فقالت في  
حزم: هددوووو...نرجع لموضوعنا اللي هو...

اختها سمر: ماما اعلقتي علي الشوربة؟  
فتابعت ايمان بارتباك معلش اصلي بكلمكم من  
البلكونة علشان النت والاصوات جايتة من بيت الجيران.

تعالى صوت سمر ثانية — ياما ماما ايمان اختي مابتحبش  
الملوخية الخضرا ...لازم ناشفته وبيتش ببصل

تعالت ضحكات الطلاب بينما قالت ايمان مشوشة علي  
كلام اختها: ادا افترضنا ان الفيروس كائن عدائي هجمي و...

تعالى صوت سمر: ماينفعش اسألها بتدي محاضرة اهي

ضغطت ايمان غيظا بينما ضحك الطلاب فزفرت قائلة : لو  
افترضنا ان...

تعالى صوت عاطف اخوها المتهمكم : يتدي محاضرة؟ اه لو  
الطلاب بتوعها عرفوا انها بتلعب بيرلتم بيرلتم بيرلتم مع اولادك  
كادت ايمان تبكي قهرا ولكنها تماكنت اعصابها  
وتابعت متجاهلة مهمات وضحكات الطلاب  
- اذا افترضنا ان الفيروس دا كائن عدائي هجومي وقررنا  
اننا...

تعالى صوت والدها : يا اسعاد ماتعمليش الملوخية بشورية  
البط انا ما بحبوش والا حلف ما دايق الاكل وحقلب لك الحلة  
من البلكونة

امها صارخت : شاهدين علي ابوكم؟ اهو كل يوم كدا  
ولولا اننا داخلين علي شهر مفترج كنت سيبت له البيت وهجيت  
في داهية ومش حتعرفوا لي مكان... بس اروح فين انا في الحجر  
لم تتمالك ايمان نفسها فهرولت في غضب الي الخارج وهتفت :  
يعني اعمل ايه بس ؟ انا بشرح للطلاب ازاى نوظف الفيروس  
للقضاء علي الامراض وانتوا بره بتتكلموا عن الملوخية الناشفة  
والخضرا والمحشي وبتتخانقوا؟ والله حرام عليكم

امها هاتفت في فرحة : بتقولي ايه؟ حتستغلي الفيروس في  
علاج الامراض؟ يا بركة دعايا لك يا بنتي  
حماقي بفخر : طبعا بنتي وتربيتي  
سمر بفرحته : بجد يا ايمان؟ يا حبيبتي  
لم تجيب ايمان فأطلقت سمر زغرودة طويلة عالية  
واطلق عاطف صيحة فرحة وهو يصفق: ايوة كدا...

ونقافز الصغار : هيببييه..هيببييه...هيببيبيبييه  
 فنادت احدي الجارات: خير يا ست اسعاد ..بتزغردوا ليه  
 ياختي فرحيننا  
 اسرعت اسعاد الي البلكونة وورائها زوجها واولادها واحفادها  
 وهتفت بفرحة: بنتي الدكتورة ايمان حتجند الفيروس علشان  
 يقضي علي الاورام المستعصية يا ست ام فاروق  
 ام فاروق بفرحة: يا الف نهار ابيض زي الجواسيس كدا ؟  
 يادي الهنا الحقي يا ست نعمت  
 نعمت متهللة وهي تطل من البلكونة: خير يا ام فاروق؟  
 ام فاروق بفرحة: الضاكتورة ايمان حتجند الفيروس  
 لحسابنا بدل ما يهاجمنا حياجم الاورام ياختي...  
 تهتف الست نعمت: لادا انا لازم اوزع شريات ثم تطلق زغرودة  
 طويلت وتسود الفرحة والتهليل بين الجارات بينما تهز ايمان  
 رأسها غيظا غير مصدقة لما يحدث ..وتجمدت حين وصلتها  
 ضحكات الطلاب الهيستيرية وادركت انها نسيت تغلق الخط  
 فارتعشت شفتها في ذعر قبل ان تتهاوي فاقدة الوعي

تمت

## يوميات ام في الحجر ٨

وقفت سمر في بلكونة منزلهم تتابع بعين الرضا والحنان زوجها الذي انهمك في لعب الاستغماية مع اقرانه من ازواج الجارات في الشارع بحماسة قبل ان تنادي بحنان : نادر مش حطلع بقى تتشطف وتغير هدمك دي وتاكل؟  
نادر محتجا وهو يضرب الارض بقدمه : شوية كمان .. لست مالعبتش

سمر باستسلام : طيب العب شوية كمان وابقى اطلع ...  
وخذ بالك من نفسك ماتتخاف مع حد .. العبو بالراحته  
دلقت الي الداخلة متجهة للمطبخ وشرعت في اعداد الكيك  
اليومي وهي تدندن : حلوين من يومنا واللّه وقلوبنا كويست  
..وبقدم احلي كيكاه ومعها ميت مساه  
ابنها ادهم متسائلا وهو يدلغ الي المطبخ: بتعملي لنا ايه  
ياماما

هي بسرعت: كيك  
هتفت ابنتها الصغرى : يوووووووووه كل يوم كيك؟ زهقنا  
من الكيك  
امها بغيظ: اومال عاوزة تاكلي ايه يامقصوفت الرقبته  
بنتها الكبيرة..اي حاجته غير الكيك زهقنا منه  
سمر مشيحه بيدها.. خلاص بكرة نعمل بسكوت العشر  
دقايق



بنتها الكبيرة : برضو زهقنا منه سمر بنفاذ صبر - خلاص  
بكرة جعلكم فطيرة الطاسة بدون قرن...

اولادها-يووووووه مش واكلين

صرخت بغیظ : عنكم ما كلتوا وانا مش طابخة...كدا  
اربح لي ...قللات الادب علي ايامنا ماكناش بنتكلم اللي  
بتحطه جدتكم قدامنا كنا بناكله ...كنا نتجرأ نفتح  
بقنا!؟..كانت تجيبنا من شعرنا ... دا همنا!!!! طووول عمرنا!!!!  
تيتة بتجيبنا من شعرنا كلنا!!!! كلنا!!!! اهى اهى

بنتها الصغيرة بتعاطف وهي تربت علي كتفها : خلاص  
ياماما ماتعيطيش انا حزق لاسعاد لما اشوقها

هتفت بها امها فجأة : عيب يا مقصوفة الرقبة...مش معني اني  
ضعفت واشتكيت يبقي تقولي كدا دي جدتك فهمتي  
وما تقوليش اسعاد كدا حاف لازم تيتة والا حتجيبك من  
شعرك اتتي حرة

. هزت الصغيرة رأسها بعدم رضا بينما التفتت سمر الي ابنها  
وقالت بحزم: انت ياواد يا ادهم انزل هات اتنين كيلو فانيلىا  
واربعة كيلو بيكينج بودر وطن دقيق وقول لبابا يطلع بقى  
كفاية لعب في الشارع

ادهم محنقا : اشمعني انا اللي دايمما بنزل اشتري الطلبات وبابا  
بيلعب تحت طول النهار

امه زاجرة : ولد؟ حتعمل راسك براس ابوك؟ انزل هات الطلبات

وانت ساكت يالا

ادهم : خلاص نازل بس اعلمي لنا حاجة غير الكيك  
وبسكوت العشر دقائق

امه في لين مبتسمة : خلاص ماتزعلوش انا قررت اعملكم  
بيتزا المجات علي البارد شفتها علي الفيس وشكلها...  
بترت عبارتها حين هرول الثلاثة خارج المطبخ ملتاعين  
فغمغمت : عيال قللات الادب طب مش عاملة اي حاجة ودقني  
اهي

لحظات ورن جرس المنزل فاسرعت اليه لتفتحه وجدت  
جارتها سمية التي تمسكت بيد زوجها فقالت : اهلا وسهلا يا ام  
عادل اتفضلي

قالت سمية بغضب وهي تشير الي زوجها — انا جايت  
اشتكي لك المحروس جوزك..

قالت سمر بقلق: في ايه عمل ايه نادر تاني  
سمية وهي تشير الي ذراع زوجها الذي وقف باكيا متشنجا.  
جوزك قرم جوزي من دراعه لغاية ماجاب دم... ينفع كدا يا  
ست ام ادهم يرضيكي كدا؟

سمر وهي تلقي نظرة علي ذراع زوجها وتقول : يانداستي؟ لا  
مايرضينيش بس اهم رجالت بتلعب مع بعض يا ست ام عادل  
ونادر اكيد مايقصدش

سمية : دا كل يوم يرجعلي متعور كدا.. انا بس بقول  
يلعبوا بالراحته.. وبعدين انا قلت مش حيرضيكي كدا  
سمر مهدئة : لا والله حقك عليا انا.. حقك عليا يا ابو عادل  
وانا والله ليا كلام معاه لما بس يطلع لي .. اتفضلي ياختي اشربي  
الشاي

سمية وهي تجذب زوجها من يده: لا ياختي تسلمي ..  
بسكوت العشر دقايق في الفرن حيثحرق

سمر: تاكلوه بالهنا والشفا ماتزعلش يا ابو عادل ..حقك  
عليا ياخويا

اخذت سمية زوجها وانصرفت فاغلقت سمر الباب وهزت  
رأسها بحنق وغمغمت: مش حنخلص من المشاكل ابدا

لم تكذ تلتفت حتي رن جرس الباب ثانية ففتحت لتفاجئ  
بجارتها محسنة التي ابتدرتها هاتفتة بغضب: ماهو شوفي يا است  
ام ادهم مش كل ماجوزي ينزل يلعب تحت شوية يفك عن  
نفسه يرجع لي متبهدل من جوزك....مرة يوقعه علي الارض  
ومرة يخبطه بالطوبية...وشوفي وشه؟ يرضي ربنا كدا

سمر محتجة: ماهو جوزك برضو ضاربه بالبوكس في وشه  
مورمه له ياست محسنة..ودايما هو اللي يببدا

هتفت محسنة غاضبة - انا جوزي متربي وماييضريش حد  
الدور والباقي علي جوزك بقي

سمر بغضب وهي تضع يدها في وسطها : لا ياست انتي  
اتكلمي عدل انا جوزي متربي ومؤدب وغلط مش عاوزه بقولك  
اهو

محسنة: كدا ماشي...انا عملت اللي علي وعملت حساب  
للجيرة لكن اذا مد ايده علي جوزي تاني انا اللي حتصرف

سمر متوعدة بغضب: طيب خلي حد يمد ايده علي جوزي  
محسنة مهددة: لما نشوف ثم جذبت زوجها من يده وهتفت به

زاجرة: بعد كدا اللي يمد ايده عليك اقطعها له..فاهم ولا لا  
زفرت سمر في غضب وهي تغلق الباب بقوة قبل ان تندفع الي

البلكونة لتطل منها هاتفتة: نادر..يانا اااادر..اطلع بقي كفاية

لعب لغاية كدا.. مش قلت لك ماتتخانقش مع حد وتجبب لي  
الكلام؟ اطلع يالا

هتف متوجسا : لامش حطلع حتضلييني  
غمغمت في ابتئاس : حضلبك؟ هي حصلت؟  
هتفت : ماتخافش يانادر مش حضلبك اطلع اتشطف  
واتغدي..بس يابني ماتضربوش بعض..ابعد عنه يانادر..نادر  
ماتحدفوش بالطوبه

نادر محتجا: هو اللي بدأ قذف الطوبه فارتطمت برأسه  
شهقت سمر وهي تبصر الدم الذي تدفق من رأس جاراها  
فتشج باكيا علي الارض فهتفت سمر بزوجها: اطلع يا نادر  
بسرعة امه..القصدمراته حتنزل تبهدلك  
هرول خائفا الي الداخل بينما اسرعت هي لتفتح له فدف  
مسرعا واغلقت هي الباب بسرعه بينما تعالي صوت جارتها : هو  
مين اللي عمل فيك كدا!!!

دا انا حخلي يومهم اسود النهارده لحظات وسمعت طرقا  
علي الباب عنيف متواصل فاشارت الي اولادها الا يفتحوا بينما  
اختبى نادر في حجرته

وتعالي صوت جارتها بالشتائم والتهديد والوعيد  
فهمست لا اولادها محذرة : اياك حد يفتح  
دلفت الي المطبخ لتواصل عملها  
مساء وضعت امام اولادها صينية قائلته : يالا يا اولاد تعالوا

كلوا

خرجوا من غرفهم مع نادر متهللين ونظروا الي الصينية  
الفارغة وتساءلوا في دهشة: ايه دا ياماما

امهم ببساطة : دي فطيرة النانج ...مقاديرها ...نص كيلو  
نانج وربع نانج علي اتنين كوب نانج وملعقتين نانج مع  
فسوة نانج

هتقوا في احتجاج: الصينية فاضية ياماما  
هزت كتفيها وقالت بلامبالاة وهي تتجه لغرفتها : ماهي  
كدا اسمها فطيرة النانج يعني لاشئ ...ادعوا لطنط وفاء هي  
اللي شارت عليا بيها

ذهبت الي غرفتها مدننة بلحن مرح فتطلعوا الي الصينية  
الفارغة في ابتئاس قبل ان يتشنجوا باكيين : منك لله  
ياكورونا ...يارب تموتي يا صبيين

تمت

## يوميات ام في الحجر ٩

استيقظت سمر من سباتها العميق علي رنين هاتفها الارضي المتواصل فقامت بتكاسل اليه ورفعت السماعة وقالت وهي تتثائب: الو؟ ايوة يا ماما صباح الخير  
امها محنقة: صباح الخير ايه يابنتي دا احنا بقينا العصر لسته نايمين يا سمر؟

سمر وهي تتمطع: وحنقوم نهبب ايه بس ياماما ما احنا بقي ليلنا نهارنا ونهارنا ليلنا... خليههم مخمودين علي رأي الست فيروز احكي لي قولي نحن ميين وليفش للظهر مخموديين ولايه قايمييين؟؟ قايمييين؟ اه سألتك حبيبي لامتي حنفضل نايمين خرينا خرينا!!!!!! نفضل مخموديين وتسبقنا سنيين اسعاد بغضب: سمر... انا وحي في مناخيري يا سمر اتلمي

بقي

سمر بسرعة وهي تدعك عينيهما: خلاص ياماما اهو سامعاكي

زفرت اسعاد وقالت بعصبيته - ابوكي يا سمر حيموتي ... خافوا عليا من ابوكي .. مش الكورونا اللي حتجيب اجلي سمر: عمل ايه تاني ياماما

امها بعصبيته - مش مبطل زن وقرق وفتح الاخبار طول اليوم ... وشغال النهاردة مات كذا واتصاب كذا... يانهار اسود النهاردة زادو يا اسعاد ..الحقي يا اسعاد الناس بتموت يا اسعاد ...وكأنه مراسل حربي علي جبهته ... انا تعبت يابنتي واعصابي تعبت ...

حد فيكم ياخدني عنده ولا يجي ياخده...دا قرب يشتري لنا  
الكفن يا سمر

سمر بسرعة: بعد الشر عنك يا ماما انتي وهو..خلاص تعالي  
عندي..ريحي اعصابك كام يوم.

اسعاد بضيق: والله بضمك يا بنتي اجي عندك اغير جو  
سمر بحماسة: خلاص استني نادر حيجي يجيبك بالعريية  
جهزي شنطتك علي بال ما اقومه  
اسعاد: ماشي يا بنتي

بعد فترة...ترحاب حار من سمر لامها قائلة: يامرحب ياماما  
نورتيتي

امها وهي تجلس: الله يرحب بك يا بنتي...  
نادر لحماته: البيت بيتك بقي يا طنط ..خدي راحتك ...انا  
داخل انا

اسعاد: نوم العوافي يا حبيبي  
سمر ماطة شفيتها بغيط: علي طول نايم يا ماما ...  
مايقومش من علي السرير الا علي الاكل...كرشه كبر  
قوي ومابقاش في لبس مناسبه...دا غلب ايه دا بس

امها بغيط: ماتسيبيه نايم ياختي اهو مريحك من زنه  
..ياريت ياختي ابوكي ينام له ساعتين علي بعض...دا مش  
تاعبني غير تنطيطه في الشقة طول اليوم وبوزه في بوزي و طول  
اليوم رايح جاي في الشقة خاوتي

استيقظ اطفال سمر علي صوت جدتهم فهرولوا من سرائرهم  
خارجا هاتقين مهللين: هيببييه تيتة جت تيتة جت تيتة جت

احاطوا بها يقبلونها ويعانقونها تتأملهم سمر بحنان .. تعلقت الصغيرة باكي نام برقبته جدتها هاتفت : تيتية احكي لي حدوتة.. احكي لي حدوتة.. احكي لي حدوتة..... اه اه اه  
ابتسمت جدتها وقالت من بين اسنانها : حاضر يا عيون تيتية بس ارتاح واخذ نفسي من المشوار ..  
ينقض ادهم عليها من الخلف ويحيط عينها بيديه بقوة ويهتف: انا ميبيين يا تيتية؟  
تنتفض بذعر وتشهق - يالهوي.. في ايه يا واد يا ادهم يزيح يده هاتفا في مرج: شاطرة يا تيتية عرفتيني اهو تضغط اسعاد علي اسنانها غيظا بينما تقترب منها الكبيرة بطبق ايس كريم وتقول وهي تضع ملعقة في فمها: تيتية كلي ايس كريم  
اسعاد وهي تزيح يدها برفق: لا يا حبيبي شكرا ... كليه انتي بالهنا والشفاه  
البنه باصرار وهي تقرب الطبق من فمها وتؤكلها.. لا يا تيتية لازم تاكلي علسان خاطري  
ادهم وباكي نام: كلي يا تيتية والا حنزل سمر بحرارة : خلاص بقي يا ماما كلي ماترعلهمش  
اطلقت اسعاد زفرة وقالت باستسلام : حاضر حاكل اهو... يا لاروحوا بقي العبوا شويتا  
باكي نام وهي تجلس علي قدم جدتها : لا احنا حنقعد معاكي تحكي لنا حواديت كتبيبيبيبييل قوي  
سمر بمرح : انسي يا ماما طالما جييتي مش حيقوموا من جنبك امها من بين اسنانها: كدا! كسبنا صلاة النبي



سمر : انا داخلته بقي اعمل لقمته ناكلها وانتي بقي خدي راحتك...عاوزاكي تستجمي ياماما ماشي  
تطلعت اسعاد بيؤس الي احفادها الذين احاطوا بها كالسوار بالمعصم يتأملونها ككائن فضائي هبط عليهم فجأة وقالت بأسي: حستجم يابنتي من وسع اهو  
باكينام بالحاح: احكي لنا بقي ياتيتة حدوتة  
رزان وهي تقبل جدتها فجأة : انا بحبك ياتيتة قوي  
جدتها وهي تربت علي ظهرها : وانا كمان يا حبيبي  
باكينام وهي قبل جدتها : وانا ياتيتة بحبك كتيبييل قوي

جدتها : وانا يا باكي  
باكينام تقبلها ثانياً عدة مرات وهي تضغط بذراعيها رقبة جدتها : اتتي حلوة ياتيتة  
جدتها مغتصبية ابتسامتة وهي تزيح يدها برفق : وانا يا باكي خلاص بقي كتر السلام بيقل المعرفة  
ادهم وهو يقبل جدته بدوره: انا بحب تيتة اكر منكم تتقافز باكينام علي حجر جدتها وتهتف بحماسة وبصوت عالي- انا اللي بحب تيتة اكر منكم كلكم  
رزان محتجة لادهم : هو انا كل ما اعمل حاجة تقلدني ياقلود ياقلود  
ادهم غاضبا وهو يركل اخته : وانتي مالك انتي بتتدخلي ليه يشتبان تحول جدتهم بينهما وتهتف: بس يا ادم عيب تضرب اختك كدا  
تبكي رزان وتهتف: والله لاضريرك

ادهم يغيظها: يا عيوطة  
 جدتهم بنفاذ صبر: بس يارزان  
 رزان باكيية: شايفة ياتيتة بيقولي ايه  
 جدتها: معلش بيهزر معاكي  
 باكينام: يووووه بقي عاوزين تيتة تحكي لنا الحدوتة  
 تيتة من بين اسنانها: حاضر يا باكي بس افتكر حدوتة  
 ادهم بسرعة: عاوزين حدوتة مرعبة تخوف  
 رزان محتجة: لا ياتيتة عاوزين حدوتة حلوة  
 باكينام: عاوزين حدوتة كيببيبييلتة  
 تنهدت اسعاد في حسرة وهي تتابع العراك الذي نشأ ثانياة  
 حولها.. اخذوا يجرون ورا بعض حولها شعرت بالدوخة فهتفت  
 بغیظ: ماتقععدوا بقي هادييين انا دوخت يالا علشان احكي  
 لكم حدوتة... كفوا عن الجري وجلسوا حولها منتبهين بينما  
 جلست باكينام علي حجرها وقالت: ماسي  
 قبيل المغرب تنهي اسعاد الحواديت قائلة: توتة توتة فرغت  
 الحدوتة.. حلوة ولا ملتوتة  
 احفادها بحماس: حلوة  
 باكينام: ثاني ياتيتة ثاني  
 جدتها وقد بدا عليها الشحوب والارهاق قائلة في ابتئاس:  
 ارتاح شويتة يا باكينام... دا لو شهرزاد قعدت قعدتي دي  
 حتترجي السيف يطير رقبتها... حرام عليكم انا ايه خرجني  
 من بيتي بس

خرجت سمر فجأة من المطبخ هاتفت : ايه يا جزمة منك ليها  
ليها ماتسيبو تيتة ترتاح بقي شوية .. قوموا يالا علي اوضكم  
صدعتوني

ادهم محتجا : عاوزين نقعد مع تيتة شوية  
باكينام وهي تسترخي علي قدم جدتها. انا مس حسيب  
تيتة

سمر تخلع شبشبا وتجري ورائهم صارخة بغضب : لما اقول  
كلمة تتسمع

صرخوا في هلع واخذوا يتدافعون محتمين بظهر جدتهم  
هاتفين : الحقينا ياتيتة

حاولت سمر الوصول اليهم بشبشبا صارخة : والله لتتضربوا  
حالت اسعاد بينهم وبين سمر وهتفت بوجه محتقن - خلاص  
يا سمر ماتضريهمش علشان خاطري

سمر صارخة : لا دول مجنني ... لازم يتأدبوا  
احفادها : تيته الحقينا ياتيتة

اسعاد بعصبيّة الدنيا : رينا ياخذ تيتة علشان ترتاح بقي  
سمر صارخة بانهيّار : طبعا ماهو انا اللي طول اليوم بس وهس  
وابوكم نايم ولا علي باله ... انا تعبت تعبت

اسعاد : خلاص بقي يا سمر استهدي بالله  
سمر متوعدة : والله لو ماقام دلوقتي يشوف عياله لاكون  
سايبة له البيت...

اسعاد : حتروحي فين ياموكوستة

انا القرف ورايا ورايا ليه

ثم قامت فهتفت بها سمر : رايحة فين ياماما

اسعاد متعجلة : مروحة يا عين امك انا خلاص استجميت  
وانبسطت اروح بقي بيتي

مساء في منزلها دلف حماقي من البلكونة هاتفا بغضب :  
مافيش فايذة العيال مش عاوزة تتلم من الشوارع ...اهم ولاد  
الكلب دول اللي ناشرين لنا الفيروس ..ومايببانش عليهم احنا  
اللي بنتعب

ايمان مهدئة : خلاص يا بابا ربح نفسك بقي احنا مش  
حنغير الكون المهم اننا واخدين بالننا وخلاص  
هتف محنقا: يعني احنا نتحبس وناخد بالننا وهم يودونا في  
داهية بجهلهم واستهتارهم؟

ايمان بضيق : حنعمل ايه يا بابا  
حماقي محتجا: طيب عجبك اللي امك عملته؟ تسبب بيتها  
ليه حد عملها حاجتا؟

ايمان وهي ترمقه بنظرة لوم : ماهو يا بابا من النقار كل  
شوية؟

ابوها متعجبا : نقار من مين؟ هتا؟ اذا كان عليا انا بعدي لها  
كتير علشان خاطر ك...مايبقاش عندنا دكتورا واستاذة قد  
الدنيا وصوتنا يعلي والناس تتفرج علينا

كادت ايمان تطلق صرخة احتجاج عالية ولكنها  
تمالكت نفسها وقالت من بين اسنانها : علي رأيك يا بابا انتوا  
محاسيين قوي في خناقتكم ...هم بس طلابي اللي اخدوا بالهم  
..والجيران...والشوارع اللي جنبنا يدوبك خدوا فكرة

ابوها : خلاص يبقي تعقلها كدا وتقول لها ترجع عش  
الزوجية

شهقت ايمان في لوعته وهي تردد : عش الزوجية ؟ حاضر  
يا بابا حكلمها ترجع ال...

قبل ان تتم جملتها فتح باب الشقة وهرولت اسعاد منه الي  
غرفتها متشنجة بالبكاء... فتبادلت ايمان النظرات المتعجبة مع  
والدها وقال هو بسرعة وهو يلحق بزوجه: خليك اتني انا  
حروح اشوفها

اتجه الي غرفتهما فوجد زوجته تبكي بحرارة فقال وهو  
يربت علي كتفها : مالك يا اسعاد

لم تجيبه فقال : يا اسعاد قلت لك مش حترتاحي الا في بيتك  
اسعاد متشنهفتـ سيبيني دلوقتي يا حماقي  
حماقي : طيب روعي غيري هدومك واغسلي ايديك كويس  
بقي ..علشان النهاردة مات من الفيروس ٢٠٠ و١٠٠٠ اصابة و...

قاطعته صارخت : ابعدي عني بقي يا حمااقي  
هرول خارج الغرفة بسرعة بينما واصلت هي بكائها الحار

تمت

## احلي اكلة

وقفت نهي في مطبخها تقلب الطعام وهي تمددن بمرح : اطبخ لجوزي يانا ياما اطبخ لجوزي لبلاش ياكل احلي محشي بدهن اللية يا اما بلااش طابخت له يامتا بدهن اللية طابخت له ياما بدهن اللية والنبي ياما والنبي ياما ماتنشرهاش دلفت ابنتها هنا الي المطبخ قائلة : ماما تيتة علي التلفون عاوزاكي

قالت نهي مبتسمة بمرح : جت علي السيرة .. ثم غادرت المطبخ لتلتقط سماعة الهاتف قائلة بمرح : اهلا ياماما ازيك امها : ايه يانهي .. مابقيتش اشوفك خالص من ساعة الحظر .. مش حتيجي شوية يابنتي انتي واو لادك النهاردة؟ نهي : مش حينفع ياماما النهاردة خالص امها - ليه مش حينفع بصي انا حجي اخدكم تقضوا اليوم والعيال يلونوا البيض مع خالتهم ويغيروا جو نهي : طيب تعالي حخلص غدا واجي معاك امها : بتطبخي ايه

نهي بانشكاح: محشي ياماما.. محشي ورق عنب امها : يابنتي كنتي قلتي لي انا مخزنته ورق عنب كنت بعته

لك

نهي بلهجة قاطعة: لا ياماما انا اشتريت ورق عنب طازة علشان جوزي يبجبه فريش لازم تدوقي بقي اكلي

امها : طيب خلصي بسرعة علشان حجي اخذك  
اغلقت الهاتف واسرعت الي المطبخ تعد الخلطة وهي تقول  
لابنتها في مرح: هنا تيتة جاية عاوزين نخلص الخلطة كدا  
وانتي روحي اقللي علي القطعة والسلاحف علشان بتتقرف منهم  
تمام؟

هنا : حاضر

نهي: تعرفي ياهنا انا مبسوطة قوي ان جدتك جاية وانا  
بعمل محشي والجورايق كدا  
هنا متسائلت: ليه؟

نهي بتأثر: اكيد حتفح بيا وتحس انها ربتي.وعلمتني صح..  
انا بحب اشوف نظرات الفخر في عين جدتك يا هنا .. عقبال  
يابنتي ما اجي لك بيتك وانتي بتطبخي لولادك وجوزك واكون  
فخورة بيكي

تأملتها هنا لحظات ثم قالت : ماما انتي بتبكي؟  
مسحت نهي وجهها بسرعة وقالت مبتسمة: لا يا حبيبتي دي  
دموع التأثر... يالا ساعديني علي ما تيتة تيجي  
جلست نهي تحشي الورق حين رن جرس المنزل فاسرعت عهد  
لتفتح مرحبة بجدهتها وهتفت نهي في حرارة : يامرحب ياماما ..  
تعالى

امها بحزم: انا مش حقعد قلت لك ..انا جاية اخذك  
نهي بالحاح : علشان خاطري ياماما نتغدي معانا ..انا عاملة  
محشي اهو ويط اللي بتحبيه..نتغدي ونيجي معاكي  
جلست امها في استسلام وقالت : ماشي هاتي لما اساعدك والى  
معاكي

نهى : لا مش عاوزه اتعبك انا خلاص قربت اخلص  
 امها باصرار: هاتي يانهي علشان نخلص بسرعة  
 زفرت نهى وقالت : خلاص زي ماتحيي ثم وضعت الورق  
 وخططة المحشي امامها

قالت امها وهي تتأمل الخلطة : ايه دا يانهي الخلطة دي  
 ناقصها دهان ..ومش متقلبة كويس الخضرة في ناحية  
 والطماطم في ناحية والرز في النص انا علمتك كدا ؟ هت؟  
 قلبها

نهى : والله متقلبة  
 امها بلهجة امرة - قلت قلبي الخلطة ...لازم تتقلب كويس  
 علشان كله يمتزج.

جلست نهى القرفصاء تقلب الخلطة وسط ارشادات امها  
 المتحكمة وبعد ربع ساعة من التقلب قالت نهى : خلاص  
 اهو انقلبت كويس

قالت امها - خلاص هاتي الورق بقي وشوفي حتعملي ايه  
 تركت نهى المحشي وقالت : حبص كدا علي البط  
 اتجهت الي للمطبخ فنادت امها قائلة : يانهي تعالي لي هنا  
 كدا

اسرعت نهى للخارج متسائلة : ايوة ياماما  
 امها وهي ممسكة بالورق : ايه دا يابنتي؟  
 نهى بثقة : ورق العنب ياماما  
 امها وهي تلوح به : والله ما ورق عنب ولا يقربله يانهي ..دا ورق  
 توت يابنتي



نهى باستنكار: ورق توت ازاي بس ياماما هو انا حتوه عن ورق العنب

امها مؤنبتة : انتي تايهتة اصلا هو انتي لستة حتوهي؟ جبتيه منين الورق دا؟

نهى : بس انا واثقتان..

قاطعتها امها بغضب : جبتيه منيبين

نهى بتوتر : من عم حسين بتاع الخضار

امها : حسين اللي بشتري منه؟ يومه مش فايت ... حبهده

نهى بتوسل - بلاش ياماما تتخانقي معاه وتصغريني

امها بغضب: والله لاخلني اللي مايشتري يتفرج عليه

مديهولك بكام؟

نهى يتردد وتخوف وتوجس... جنيه

شهمت امها في ذعر : اربعين جنيه؟ مديكي ورق توت ناشف

باربعين جنيه.. اه ياميلتة بختك في بنتك يا نوال

نهى باعتراض متخاذل: ما هو ياماما كله يبييع ورق العنب

الجديد كدا

هتفت بها امها بغضب: ورق العنب الجديد يابت مش ورق

التوت الناشف يابنت نوال

زفرت نهى في توتر عصبي فتابعت امها مؤنبتة ومعتتة -

مش قلت لك اجيب لك ورق وانا جايتة؟

نهى بعصبيتة : ما انا بحب الطازة ياماما مش المتخزن وجوزي

كدا

امها بغضب : اتوكسي اديكي جبتي الطازة من وسع ... اه لو

اموت بقى وارتاح

نهى بسرعت: بعد الشر عنك ياماما .. ماتقوليش كدا  
 امها : من عمايلكم اتني واخواتك  
 علشان لما اقولك كلمت تسمعيها...  
 نهى مهدتة: حاضر حسمع كلامك بعد كدا  
 امها بزهق: روعي شوفي الاكل وانا ححشي ورق التوت  
 وامري لله  
 ذهبت نهى الي المطبخ متبرمة وقامت بتحميمير البط بينما قامت  
 امها بانهاء المحشي وبعد فترة انتهى الطعام وضعت نهى الطعام  
 قائلة بحماسة وحرارة : ماما يالا بقي كلي معانا  
 امها : حاكل محشي ورق توت علي اخر الزمن؟؟ والله ما  
 ادوقه  
 تبادلنا هنا وعهد النظرات المتهمكة بينما قالت نهى في  
 توسل : علشان خاطري ياماما كلي ...طيب كلي ورك البط  
 دا اتني بتحييه  
 القت امها نظرة علي الورك ثم شهقت في لوعتها وقالت: ايه دا يا  
 نهى  
 نهى بتوتر: ورك بط ياماما ماله؟  
 امها بصوت هادر: يعني اصوت واشق هدومي للديل يانهي  
 نهى بانتيار: ليه بس ياماما  
 امها بغضب: دي اوراك ابو قردان يابنتي اشتريتها من اي داهية  
 نهى بعصبية: من الهايبر ياماما مكتوب عليها افخاذ البط  
 ..وانا قريتها كويس  
 امها : يعني اتخانق مع بتاع الخضار ولا اجري علي بتوع  
 الهايبر افضحهم؟

نهى بعصبيته : خلاص مش حشترني من هناك تاني  
 امها هاتفتة بغضب : اتني ماتشتريش خالص... ماتخرجيش  
 من بيتك اصلا ماهو لو اولادك مش قاعدين كنت جبتك من  
 شعرك دلوقتي حطيتك تحت رجلي

نهى وهي تلقي نظرة علي اولادها الذين تمايلوا علي بعض  
 مبتسمين وقالت معارضة بوجه محتقن : يا ماما واللّه ورك بط  
 بس يعني رفيع شويته

امها : لهو انا صغيرة يابت حتوه عن البط...  
 نهى ببعض الامل : خلاص كلي لحمته مع شوربته لسان  
 عصفور.. بلاش محشي وبط

امها وهي تلقي نظرة علي الحمته : جبتيه منين اللحمته دي؟  
 نهى بشقة : من عم مؤمن الحوت  
 صرخت امها بغضب : مين؟ مؤمن الحوت؟ دا مايبدبحش غير  
 الوقيع

نهى مشدوهته : يعني ايه وقيع ياماما  
 هتفت امها صارخته بغضب وهي تقوم واقفة : انا ايه تعتعي  
 من بيتي دمي يتحرق كدا... منك لله يا شيخته.  
 ثم اشارت لاحفادها قائلة بحزم: ياالا يا اولاد معايا قوموا  
 حنتغدا عندنا ياالا

قام معها احفادها بينما التفتت الي نهى قائلة بغضب : انا  
 حتصل بجوزك يجي من شغله عليا يتغدي معانا بدل ما يجي  
 يلاقيك عاملة له ابو قردان محمر ويرمي عليك  
 اليمين واتي بقي اقعدني كلي محشي ورق التوت واوراك ابو  
 قردان بتوعك

نهى : بس ياماما...  
امها مقاطعتا بغضب: جتك مو...يالاي اولاد  
قالت هنا لامها بتهكم : تيتة فخورة بيكي ياماما قوي  
صرخت بها نهى في انهيار : بس يابت بقي  
راقبتهم وهم يغادرون المنزل ثم تطلعت لحظات الي اكلها  
وحالها الذي تنعكش في لحظات ثم اجهشت ببكاً حار  
متواصل

تمت

## المصيدة

خرجت تهاني من منزلها هائمة باكية تشعر بالاختناق  
 تريد هججنا من منزلها فقد ضاق صدرها ونفذ صبرها  
 ولكن الي اين؟

حسنا هل اذهب الي تفيدة؟ لا ليست فكرة صائبة فهي  
 تحتاج إلي هدوء الاعصاب وصراخ اولاد تفيدة وصراخها المضاد  
 فيهم سيزيد الموقف سوءا وربما تنهار عصيا  
 حسنا سأذهب الي توفيقمة لا لن ينفع حيث أن توفيقمة  
 كانت عندها من عدة أيام حاجة من منزلها بعد شجار عميق  
 بينها وبين زوجها وهي الآن تقضي في منزلها مع زوجها امتع  
 لحظات التصادم الزوجي... لا تريد أن تحمل اختها توفيقمة هما  
 فوق تلال الهموم المتراكمة كأكوام الغسيل المتراكم منذ  
 عدة أعوام و...

حسنا فلاذهب الي تحسين... الأمور عند تحسين أقل توترا  
 ولربما استطاعت أن تهديء اعصابها قليلا هناك...توجهت  
 متشعقة الي منزل اختها تحسين لتجدها مستيقظة علي التو  
 بشعر منكوش استقبلتها تحسين بدهشة: تهاني؟ ايه اللي  
 حدفك علي الساعة دياقصد اللي رماكي علينا الوقت دا لا  
 اقصد...

يووووووه.. خشي يا تهاني خشي

دلفت تهاني الي المنزل

وما أن جلست علي المقعد حتي اجهشت بالبكاء

فهمتف تحسين بعصبيته وهي تلسعها علي قفاها: لا استني لما  
افوق واغسل وشي ونفطر وبعدين أسألك مالك ....انما تاخديني  
كدا علي الحامي حجيبك من شعرك... اصبري معنا اليوم  
بطوله ملحوقته علي العياط ليه

تحسست تهاني قفاها بتبرم فسألته تحسين : حتفطري ايه  
الاول زمانك علي لحم بطنك

تهاني بسرعتة: اه خرجت من غير فطار ..عاوزة شاي بلبن  
..وبقسماط وفتير معاه جنبته رومي اوبلوتشيز و...

بترت عبارتها حين هوت اختها علي قفاها بلسعة أخري  
هاتفته: لا انتي مش في مطعم ..مش مقدمته لك منيو هنا... سيبيني  
بقي اخد وادي مع نفسي وأشوف حنطرايه؟ هو انتوا ييجو من  
وراكم راحتا ابدا

اندفعت الي الحمام مبرطمة

وبعد افطارهم وبينما تتناولان الشاي سألتها تحسين بعد أن  
هدأت قليلا : ها خرجتي من بيتك ليه؟ مالك

اجشمت تهاني مرة أخري بالبكاء وهتفت : حماتي ..منها لله  
معكرة صفو حياتي ..مش عارفتة اعيش مبسوطة بسببها لازم  
اتخانق مع جوزي من تحت راسها

أطلقت تحسين زفرة وقالت : كنت عارفتة ..كيد الحموات  
يابنتي.. حنعمل ايه في حياتنا ...ماهو الوضع عندك زي عندي ..  
شوقتي عملوا فيا ايه؟

حسي الله ونعم الوكيل فيهم لا يوعوا ولا يستوعوا

اجهشت بالبكاء بدورها فقامت تهاني بسرعة ولسعتها علي  
قفاها صارخت: استتي لما اخلص وبعدين خدي دورك ...مش  
بنتسابق احنا مين يعيط اكثر جتك وقرف

تحسست تحسين قفاها بالم ثم قالت : ماشي ...اهو لما ترتاحي  
عندي وتروحي بيتك حتوه كدا يومين واجيلك انا ارتاح  
واففض عندك وخلينا واخدينها لف كدا علي طول  
تهاني وقد هدأت حدتها: أيوة ..حنروح من بعض فين  
تحسين باهتمام: ها اللي عملته المزغودة حماتك

تحكي لها تهاني بمرارة الوضع فتهز تحسين رأسها بأسف  
وتقول : حقولك ايه يابنتي كبري دماغك وحاولي تعيشي  
الحياة قصيرة واللي حوالينا مش حيتغيرو ..فلازم احنا نتأقلم مع  
امورنا ...

هتفت تهاني من بين أسنانها : انا فاكرة اني قلت لك  
الكلمتين دول وانتي جايت لي بتعيطي اخر مرة ...ايه  
ما عندك مش غيرها

تحسين بثقتة : لا دي كانت توفيقمة قايلها لتفيدة ...  
وتفيدة قالتها لي لما رححت لها وانتي قلتها لتوفيقمة لما جتلك  
صرخت تهاني بعصبية: خلاص نسجلها اسطوانة ونعملها  
اربع نسخ وبلاها لف في البيوت بقي جتكم قرف  
لسعتها تحسين علي قفاها وصرخت: قولني لنفسك  
ياشملولتة

تهاني : طيب اعمل ايه انا مخنوقمة مش طايقمة البيت ولا اللي  
فيه

تحسين: اسمعي انتي تقعدي معايا هدي اعصابك وبعدين  
روحي..انتى شكلك عيان.

تهاني: أيوة البرد مموتني ومها ومحمود كمان  
تحسين متحسرة : ياقلب اختك ..هو احنا مالنا حظنا قليل  
ليه يابت مع الناس

اجهشت تهاني بالبكاء فغمغمت تحسين. علي رأي المثل يا  
اخت البنات يامنكدة للممات يالهوتي  
تهاني- بس يارب ماما ماتعرف...حتقوم الدنيا وانا مش ناقصة  
تحسينء بثقة: لا ماחדش حيعرفها ...ولو أن بنقول كدا  
نلاقيها عرفت بقدره قادر

تهاني: اه ما انتوا شمالييل  
ارتفع رنين الهاتف فأسرعت بنت تحسين للرد هاتفت: تيتة  
اهلا يا تيتة

امتقع وجه تهاني بينما أشارت تحسين إليها محذرة ولكن  
البنث هتفت: لا ياتيتة دي خالتو تهاني...جت لنا  
شهقت تهاني بذعر بينما أشارت تحسين الي ابنتها متوعدة  
وقامت بسرعة لأخذ الهاتف من ابنتها قائلة: اهلا يا ماما صباح  
الخير

امها : اختك عندك بتعمل ايه الساعة دي يا بت يا تحسين  
تحسين بارتباك: لا ابدادي كانت بتتسوق وعدت عليا  
هتفت امها بغضب: وهي من امتي تهاني بتتسوق يا تحسيينء  
...اختك بتعمل ابيبيبيبيه عندك  
أخذت تهاني تقضم اضافرها بتوتر وتوجس وتخوف







صرخت امها في الهاتف: بنتي مش راجعتك يا فتحيّة  
 بنتي في بيت ابوها لغايّة ماتقدري قيمتها يا فتحيّة...  
 حتطلقي بنتي يا فتحيّة النهاردة ...يومكم ازرق انتي وامك  
 يا فتحيّة

تحسين بسرعة: طيب اقلي دلوقتي يا فتحيّة وحكلمك  
 بعدين

لسعتها امها علي قفاها وصرخت : فتحيّة برضو؟  
 بتستهيفوني؟ طرطور قاعد في وسطكم  
 هتفت تحسينء باكيّة وهي تتحسس قفاها- وانا مالي بس  
 ياماما يوووووه

توحت مهدئة: ماما الأمور بسيطة...  
 امها صارخت: اسكتي انتي خالص ...احسن اولع لكم في  
 نفسي دلوقتي

تحسين بسرعة: انا ماشيت بقي ياماما اصل بنتي عندها درس  
 ترمقها تهاني بنظرات مستجدية : مش حتقعدني معايا  
 شوية يا تحسين

تحسين بسرعة: معاكي ربنا

يا لاسلام

تهرول مغادرة بينما تلتفت الام الي تهاني قائلة بغضب وحزم:  
 يالا غيري هدومك وروقي واياكي تحملي هم حاجة وانا  
 معاكي وسيبي بقي فتحيّة اقصد جوزك عليا  
 يمتقع وجه تهاني وتتبادل النظرات اليائسة مع توحت  
 وهتفت تهاني فجأة: لكن أنا ماجبتش هدومي ياماما  
 امها بحزم: البسي من اختك توحت

توحت بسرعت: لاهدومي مش مقاسها  
تهاني : والعيال دول ودروسهم ومذاكرتهم و...  
امها بحزم : حبيب لهم المدرسين في البيت ..ها عندك حجج  
تانية ..انتي لازم تقعدي لغاية ما جوزك يقدر قيمتك  
حتفضلوا هايفين كدا لأمتي يا اولاد نوال  
— انا داخلته انام وانتي نامي والصبح رباح ...بكرة نشوف  
حنعمل ايه ...واقفلي تليفونك دا  
في غرفة هتفت تهاني بيأس: اعمل ايه ياتوحت ياختي ...انا  
ماكنتش ناوية اسيب البيت ..انا كنت زهقانة شوية  
ومخنوقة قلت افك مع تحسين.  
توحت : اهدي ياتهاني خلينا نشوف طريقة نهدي بيها ماما  
..وانا حتصرف وارجعك بيتك في اسرع وقت  
تهاني بغضب - لا انا مش عاوزه ارجع علي طول ..انا مخنوقة  
منه ومن بيته ومن أمه ومن الكل كليته  
هتفت توحت - اسمعي أما اروحك أو ماما حتججرك للنطق  
بالحكم وانتي عارفة حكمها  
هزت تهاني رأسها بضيق وقالت : ماهو لو ماما ماتبدهاش  
بالطلاق والزعيق اقعد مش حقول لا ...انما بتبدها من حيث  
ينتهي الاخرون  
بينما رن هاتف توحت فأجابت - أيوة يا أبيه فتحي  
تهاني موجودة... لا حترجع بس في سوء تفاهم ...لا والله دا  
هي دلوقتي بتتقلب علي نار عاوزه ترجع  
صرخت تهاني محتجة: بس ياجزمت

توحتا وهي تشير إليها: لا..دا ما بتتحملش عليك كلمتا...  
 طيب لا ماما بس بتقول كدا من..لا بس اديني فرصة اكلمها و..  
 دلفت امها الي الغرفة وهتفت فجأة: بتكلمي مين يا توحتا  
 هتفت توحتا فجأة: اهدي يا فتحيته... لا بعد الشر عنك  
 يا فتحيته

صرخت امها في التلفون: نامي يا فتحيته ولايميهها  
 أغلقت توحتا الهاتف فهتفت امهم: مرواح مش حتروحني يا  
 تهاني... اذا كنتي بتتخرجمي علي المرواح مافيش مرواح  
 عادت الي غرفتها بينما دلفت مها الي الغرفة باكيته: ماما انا  
 عاوزه اروح... انا تعبانتا

تهاني بعصبية: بصي يا توحتا كلميه ياخذ ولاده اهو  
 ياخذوا دروسهم ويشوفوا امورهم وانا بقي براحتي خليه يتحمل  
 شوية مسئولية ولاده

أمسكت توحتا فجأة بالتليفون واتصلت: أيوة يا ابيه مها  
 تعبانتا قوي تعال خدها هي واخواتها وتهاني كمان...  
 همت تهاني بالصراخ فقالت توحتا بصوت عال مغلوشة: لا  
 حيكونوا جاهزين مع السلامة

أغلقت الهاتف فهتفت بها تهاني: ايه دا ازاى تعملي كدا  
 توحتا: ايه بنتك تعبانتا ينفع تسيبها تروح لوحدها؟  
 خلاص اجهزي وانا حسريك انتي وأولادك زي الققط  
 تهاني محتجة ومشيحة بذراعها: انا لا ممكن اقبل ايدا  
 اتسرب زي الققط ولا ممكن ايدا اني...  
 لسعتها توحتا علي قفاها وهتفت: لا حتتسربي أو تتحجزي  
 اختاري

قامت تهاني فوراً لترتدي ملابسها  
وجاء زوجها فالتفتت إلي اختها هاتفة : بت ياتهاني ماتلبسي  
وتيجي معنا تصحي ماما ما تلاقيش حد في البيت خالص  
مالص وتهتفاين اولادي

أطلقت توحته ضحكة وقالت : لالصدمة حتكون  
كبيرة عليها

مطت تهاني شفيتها بأسف وتأثر : بس انا كدا بخدع ماما... انا  
بطعنها في ظهرها ياتوحته ... انا بغدر بيها وهي نائمة مش  
واحدة خوانة... انا كدا أشعر بالعقوق

لسعتها توحته علي قفاها وهتفت: يالا جوزك مستنيكي  
تحت وبلاها دراما

تأملتها تهاني بتأثر: توحته انا متشكرة لكل اللي عملتية  
ومش هابن عليا اسيبك لوحدهك ..ماما حتطلعاه عليكي  
الصبح... انتي كدا بتضحكي بنفسك علشاني وانا مش حقبل انك  
تتعرضي ل....

لسعتها توحته مرة أخرى علي قفاها وهتفت: حتمثلي فيلم  
يالالا... جتكوا غم

غادرت تهاني الي منزلها  
صباحا تلقي نظرة علي هاتفها لتجد مائة وسبعون اتصالا  
من والدتها ... بالتأكيد والدتها غاضبة وستهزأها فوضعت  
الهاتف جانبا بسرعة وقد شعرت أنها خرجت المصيدة  
لتتبع في مصيدة أخرى في منزلها فاجهشت مرة أخرى  
بالبكاء

تمت

## اين جريمتي

وانا طفلة صغيرة اتعرض احيانا لعقاب لا أعرف له سبب  
كنت أتساءل ولا أنفك أتساءل ثم لا انفك أتساءل حتي يبلغ  
مني التساؤل مبلغه

ما سبب العقاب. ما الذي فعلته... لماذا لماذا لماذا.....  
هل نعاقب من أهالينا لمجرد تغير في مزاجهم العام؟ الا يجب  
أن يكون العقاب لخطأ واضح؟ واشعر بقهر لعدم حصولي علي  
جواب أكثر من قهري من نزول العقاب نفسه...

الآن وبعد مرور السنوات وتغير الأحوال وامتلاكي  
الحكمة الواضحة وضوح الشمس

تبينت السبب... بعدما أصبحت ام... حين أتاني ابني غاضبا  
يهتف : ماما اين أقلامي... لا اجد قلما واحدا علي مكتبي  
...ابنتك المهملة اضاعتهم... كيف سأذهب الي الدرس الان؟

لم أشعر وقتها بنفسي فقد ارتفع صوت صراخي الثائر عاليا  
ليبلغ الآفاق مقرونا بهرولتي المجنونة الجامحة وراؤه في كل  
مكان لكي أطبق عليه كأسد علي ضحيته

وبينما يهرول هو امامي مذعورا في كل مكان يهتف  
مستتجدا : ماذا فعلت... ماذا فعلت...

رأيت في عينيه ما كنت أراه في نفسي وانا طفلة بالظبط  
بالطبع هو لا يذكر أنه منذ دقائق معدودة وانا أرتب المنزل  
قد صرخت عدة مرات فيهم : من صاحب هذة الأقلام والأدوات







رمقتها سوسن بنظرة ناريتة ثم رددت سوسن : لا انقاد بسهولة  
لاي استفزاز ولن يرتفع صوتي ثانية تحت اي ظرف  
هتفت ابنتها الكبرى: ماما..... انا بكلمك  
رمقتها سوسن بنظرة أخري غاضبة ثم أطلقت زفرة طويلة  
وردت: من الآن فصاعدا لن يسمع الجيران صوتي ...ستسألون  
بحيرة اين ذهبت جارتنا ذات الصوت المرتفع حتي أنهم  
سيشكون في موتي

ارتفع صراخ أولادهم وهتفت ابنتها بنفاذ صبر: ماما مش  
معقول كدا البيت يضرب يقلب وفي غسيل كوم وكمان  
لستة ماطبخناش وأولادك مش مبطلين خناق وما بتريش حتي  
عليا... ماما... ماما... ماما.....

فقدت سوسن اعصابها وانحنت بسرعة الي قدمها  
والتقطت شبيها المنزلي وانتفضت واقفة وهي تصرخ : في  
ايه يا جزمة قديمة... في ايه يا بهااايم يا بهااايم ما بعرفش  
اتلم علي نفسي دقيقتين ليه... حتي المحاولة اليأستة اني اكون  
هاديتة مش مهنيني عليها....

هرول الجميع من أمامها صارخين وتفرقوا الي غرفهم فأطلقت  
زفرة أخري وعاودت الجلوس وغمغمت : ححاول تاني من جديد  
اهو

مضت تردد الكلمات باسترخاء  
تناولوا الغذاء وجلست هي أمام التلفاز ممسكة بكوب  
النشاي أغمضت عينها ورددت باسترخاء : انا حخس... حخس  
وحبقي رشيقة وجميلة وصحتي حتبقي فوق في العاللي.  
تبادل زوجها مع اولادها النظرات المتعجبة

وسأل زوجها ابنتها الكبرى: بهيرة مالها امك؟ مش علي  
بعضها اليومين دول

بهيرة: مش عارفت يا بابا هي كدا بقالها مدة بتكلم نفسها  
تابعت سوسن : .المحشي اللي أكلته مش حيتخني ابدا ...  
طبق المكرونة بالباشميل وورك البطّة اللي اكلتهم مش  
حيأثروا في وزني ...انا حخس اهو بدون رياضة بدون تمارين  
بدون ما اقلل من صباع محشي واحد  
المحشي بيخسس ...فاهم يا عقلي الباطن ؟ المحشي ابيبيه  
بيخسس بقولك اهو

تبادلوا النظرات ثانية بينما اطلق زوجها ضحكة ساخرة  
عالية

رمقته سوسن بنظرة لا مبالية ثم واصلت كلامها بثقة  
ليلا جلست علي فراشها في استرخاء ورددت بهمس: انعم  
بجيران رائعون واتسامح مع الآخرين حتي هذة الجارة اللعينة  
التي تدق الهون في الصباح الباكر ..والاخري الوقحة التي تنشر  
غسيلها المبلول فوق غسيلي أشعر بالتسامح والحب يملأن قلبي  
...احب صديقاتي... وزميلاتي في العمل اللعينات جميعا

يهز زوجها رأسه ويبتسم في سخرية  
تواصل : الحياة الزوجية ظريفة ...جميلة ..انعم فيها  
بالاستقرار النفسي ..واعيش افضل وأمتع ايام حياتي  
هز زوجها رأسه متعجبا ثم قال : سوسن ..مش حنتخمد بقي  
ياسوسن ؟ كان يوم مهبب يوم ما طلبت ايدك من ابوكي يا  
سوسن

يارب كانت عربيّة دهستي وانا رايح بيتكم اطلبك يا  
سووووسن

تطلق سوسن زفرة وتضغط علي أسنانها غيظا وتردد: زوجي  
رجل عطوف يحبني

يرد زوجها بقوة: واللّه ماحصل

تواصل: وكريم...بيعاملني برفق وحنان ويحتويني ولا  
ييزعلني ابدا وطلباتي له اوامر لا ترد

حك زوجها رأسه ثم قال متهكما: محض تهيؤات.دا انا حتي  
بفكر احط المخدة علي بقك واخليها تحتوي انفاسك وتخنقك  
واخلص

بس العيال الغلابيّة دول مين ييريهم

تطلق سوسن زفرة ثم تجذب الغطاء عليها وتنام

بعد عدة أيام

تجلس سوسن علي اريكتها في الصالّة ممسكة بمجلّة  
ترتدي فستانا علي طراز الستينات قصير وقبعة مزينة بوردة  
وتقرأ بمجلتها في اهتمام بينما وضعت راديو قديم علي منضدة  
بجوارها...عاد زوجها من عمله منهكا وما أن دخل منزله حتي  
ارتفع حاجباه في دهشة في تحولت ردهة المنزل الي بيت  
كلاسيكي قديم...تليفزيون كبير الحجم قديم بأزرار  
ابيض واسود وراديو وجرامافون كبير يقبع علي منضدة  
تصدح منه اغاني منيرة المهدية...

فهتف بدّهشة: سوسن ايه دا يا سوسن

رفعت سوسن رأسها بشموخ الي زوجها وقالت بترفع: انت جيت  
ياحبيبي من العزبة امتي ؟ مش كنت تديني خبر ابعت عم  
اسماعيل يجيبك ؟

هتف مستنكرا: عزبة ايه وعم اسماعيل ايه ؟ وايه اللي انتي  
عاملاه في البيت دا ؟

سوسن وهي تطوي المجلة وتضعها جانبا: يا حبيبي تجديد  
...الفيلا بقالها فترة ما اتجددتش قلت اعمل شوية ديكورات  
فيها

هتف بغيظ: فيلا ايببييه ...سوسن انا روحي في مناخيري  
وايه اللي انتي لابساه دا كمان وايه الطاقية دي

سوسن بابتسامتة : عجبك الشابوه بتاعي ؟ وايه رأيك في  
فستاني ؟ جبته من شيكورييل وفصلت اربع فساتين تانيين عند  
مدام جيوفاني رائعتة يا حبيبي

صرخ بنفاد صبر : شيكورييل مين وجيوفاني مين ؟ بقولك  
ايببييه انا جاي من الشغل علي أخري وقسما بالله لو ما لقيت  
الاكل قدامي لارمي عليك اليمين ...

هتفت سوسن بسرعة : حبيبي مايصحش كدا ...نتكلم  
بهدوء في اوضتنا ...الخدم يقولوا علينا ايه ؟

قفز غضبا وهتف: خدم مين حتجنيني ؟ فين الغدا

هتفت بسرعة : دادة سعديااااه

دادة سعدياه...حضري للييه الغدا بسرعة ....ونيمي الاولاد

وحضري لي الحمام

صرخ : هي وصلت لكدا؟ انتي لسعتي علي الاخر ومش  
حيفوقك غير الصدمات الكهربائية بتاعته مستشفى المجانين

اتجه الي الهاتف وطلب المستشفى  
وبينما كان الممرضين يكتفونها ويدفعونها للخارج  
ظلت تصرخ : انا مش مجنونة انا كنت بقنع عقلي الباطن  
بأمنياتي...انتو مش فاهمين حاجة انا مش مجنونة  
وتوالت صرخاتها لكن دون مجيب

تمت

## هذا الكائن



ظللت اراقبه وهو يمسك بأحدي الدمي يقبلها بين يديه في فضول ثم ينقض عليها ليعضها قبل أن يصرخ محتجا ويقذف بها بعيدا في عدوانية غريبة ادهشتني وكان بينهما عداوة ثم انطلق يزحف علي اربع وراء القطرة يريد أن يلمسها أو يمسك بذيلها ونظراته إليها تنم عن فضول لمعرفة كنه هذا الشئ المتحرك اخذ يلمسها ثم بدأ في جذب ذيلها فقامت مسرعة الي مكان آخر لتجد فيه الراحة بينما صرخ مرة اخري محتجا واسرع زاحفا وراعا ولم يجدها فقد اختبئت منه فتراجع وقد بدت علي ملامحه الإحباط

اخذت أتأمل هذا الكائن البديع المتقلب المزاج فخلال دقيقة واحدة يضحك في صفاء ويطلق الكلمات الغير مفهومة ثم يصرخ في احتجاج وقد يبكي بحرقته كله في نفس الوقت يلتقط اي شئ من الأرض يتأمله لحظات ثم يضعه في فمه ليتعرف عليه جيدا واما أن يلقيه أرضا أو يسمح له بالبقاء داخل هذا الفراغ الصغير الاحمر وبالطبع يصرخ بشدة اذا حاول أحدهم نزع هذا الشئ منه ولا تدري لماذا يصرخ وعلام الاعتراض...فجأة يصفق بيديه الصغيرتين في مرح ويطلق الأصوات والكلمات الغير مفهومة التي تذيب القلب...تجاريه وتشعر أنك رجعت سنوات كثيرة للوراء...ينطلق الطفل بداخلك بلا حدود...رؤيته تفجر كل مشاعر الحب والبراءة والخير بداخلك..يفرك عينيه بيديه ويتثاب معلنا رغبته في النوم فتأخذه بين

ذراعيك وتشرع في إلقاء اغاني تراثية غير مفهومة ليناام ينظر  
اليك بعينين ناعستين ثم سرعان ما يذهب في نوم عميق ليسود  
الهدوء الشديد المكان بعدما كان الضجيج سيد الموقف بسبب  
هذا الكائن الصغير الذي لا يتعدى وزنه عدة كيلوجرامات  
...هذا الكائن الطاهر النقي البرئ الضعيف ظاهرا القوي جدا  
فعليا الجاذب لاعتي القلوب المثير البهجة والسعادة  
هذا الكائن هو بداية كل إنسان علي وجه الارض



## مقتطفات غنائية



هي : نفسي أسألك ..سؤال بسبب مش لاقية أي إجابة ليه

هو عند أمه منصتا بأهتمام

امه : دي مراتك ؟

هي : ليه بلاقي في قربي منننك كل شئ انا نفسي فيه

هو- هيببببب بقى

امه : مراتك بتكلم مين ؟

هو في زهو : اصلنا متخاصمين وشكلها بتصالحني

هي : ليه بنادي الناس بأسمك وابقي خايفة انا اخاصمك

...حاسته انا بقيت بقاسمك في الهوا اللي بعيش علييه

هو مبتسما في ثقة : مش بقولك بتصالحني

امه : خلاص يا بني الصلح خير قوم صلحها

هو باصرار : لا... لما تعرف غلطها الاول

هي : ليه بشوف الكل شكلك ...ليه بعيش دائما

مشاكلك... حاسته انا نصي شكلي وان نصي الثاني شكلك

امه : قوم بقى دي شكلها حتتجنن عليك

هو مبتسما في زهو : اصلي شديت عليها امبارح شويتين

امه مزهوة : راجل من زهر راجل

هي : فيك حاجات موجودة فيا حبة حبة تزيد شوية... احنا

فينا حاجات كتيرة ..زي بعض وهي وهي

هو-

امه- قوم يا واد شوف مراتك

هو : لست شويّة ياماما لازم تعرف قيمتي  
هي : كل حاجة عملتها لك ..حاستا اني بعيش بدالك  
..ورغم اني قويّة ببقي في كل حاجة محتجالك  
هو مزهو-

امه في فخر : حبيب امك انت  
هي : ليه بشوف الكل شكلك ...ليه بعيش دائما  
مشاكلك ...حاستا اني نصي شكلي وان نصي الثاني شكلك  
امه وهي تقوم متحمسة : انا حصالحكم علي بعض  
قام معها متاقلا وهو يغمغم- استني ياماما لما تعرف غلطها  
امه وهي تجذبه للخارج: خلاص دي استوت يابني ماتبقاش  
قاسي بقي

صعدا لشقته بينما زوجته تكمل: فيك حاجات موجودة  
فيا ..حبة حبة تزيد شويّة ..احنا فينا حاجات كتيرة ..زي  
بعض وهي هيا!!!!

دفعته امه الي غرفتهما فدخل مبتسما وهم بقول شئ إلا أن  
ابتسامته تلاشت سريعا وكاد يغشي عليه وهو يتأمل زوجته  
التي احتضنت قطها الاليف وأخذت تضمه إليها وتدلله فصرخ في  
غضب: انتي بتغني للقط ؟ كل اللي سمعناه دا كان للقط  
بتاعك؟؟

هتفت في دهشة : اه وانت زعلان ليه ؟ ...مش متخاصمين  
وقاعد مع امك تحت ..بتكلمني ليه دلوقتي  
امه في حسرة : يافرحتا ماتمت  
بينما هجم هو عليها لينتزع القط من بين يديها هاتفا في  
غيظ: هاتي القط دا ...والله لاسريه

صرخت في ذعر وهي تجذب القط إليها : انت اتجنت ؟  
 شايفت ياطنط ابنك وعمايله ؟  
 امه في إحباط : سبيي طنط في حالها رجليها مش شايلها  
 يابنتي

هو في جنون : حسريه يعني حسريه ...حموته لك خالص  
 ضمت القط إليها هاتفت : لا انت مش طبيعي ...مالك ومال  
 القط

امه متحسرة : اتشطر علي القط اتشطر...  
 هي : قولي له حاجة ياطنط  
 هتفت حماتها من بين اسنانها : معلش يا حبيبتي اعذريه  
 خاب امله زي ما خاب املي فيه  
 هو هاتقا في اعتراض : ماما  
 امه وهي تندفع مغادرة : جتك وكست علي امك انا نازلت  
 واياك تنزل ورايا تاني ...خليك جنب مراتك  
 تأملها في إحباط ثم ألقى نظرة علي زوجته التي ضمت القط  
 إليها في حنان قبل أن ينهار باكيا في حرقة

تمت

## كسفة



يعني قاعدة كدا شايفة جري ورمح ولا كان في دراسته هلت علينا من شهر ولا عاملين اي اعتبار لتواجدي وسطيهم... وضاربين عرض الحائط بكل ما يمت للمذاكرة بصلته

قلت أما ازعق زعوقتين يمكن يرتجعوا وكل واحد يمسك كتاب... لريما يخلوا عندهم دم ويقدروا القرش اللي بيتصرف... ثانية واحدة قرش ايه دا عشرات الألوف من القروش المدفوعة في المدرسة والدروس من كدنا وعرق أيدينا

انتفضت واقفت وهتفت بكل غضبي : ايه يا جزم ما فيش مذاكرة ليه همت؟ فاكرين نفسك في إجازة؟ خلو عندكم دم وراعوا المصاريف اللي بنصرفها عليكم.؟

ثم أشرت الي زوجي الذي استرخي علي الأريكة يتابع هاتفه بتركيز وصرخت : ابوكم دا اللي بيشقي وبيتعب علشان يوفر لكم احتياجاتكم ومصاريف المدارس... راعو شعوره حسو علي دمكم يا جيلات و...

بترت عبارتي حين انتفض زوجي واقفا وقد عقد حاجبيه فجأة في غضب وكأنما أشعلت كلماتي نار حماسته وايقظت شعوره بالظلم والاضطهاد وأخذ يهدد ويتوعد ويرغي ويزيد وشعرت حينها بندم عميق لأنني فتحت فمي وشعرت بالدهشة في نفس ذات الوقت فلماذا انتفض هكذا بينما هم يفعلون الفعائل أمامه منذ ساعات ولا يحرك ساكنا.. لاحظت رجرجة

خفيفة لكرشه مع انفعاله وهتافه الغاضب الحار فضغطت  
علي اسناني غيظا وازداد ندمي وحاولت أن اهدئه ولكن هيهات  
تقدمت مني الصغيرة وهتفت بانفعال : ماما انا ما بعرفش  
اذا كرا لافي الإجازة

انا باستنكار وبنظرات بلهاء: نعم ياختي تذاكري في  
الإجازة ازاى يعني ؟ اذا كنتوا ما بتذاكروش في الدرسة  
حتذاكري في الإجازة؟

هتفت بحرارة - طبعا لان في الإجازة بيكون في وقت  
..لكن في المدارس مافيش وقت نذاكر ...أما في المدرسة أو  
الدروس حنذاكر امتي؟

وشعرت بالعجز...البنت محققة...لا يوجد وقت من دالدا  
شعرت هي بالانتصار وبعجزنا عن الرد فهزت كتفيها  
وابتسمت بثقة ثم عاودت الجري...تبادلت النظرات مع زوجي  
قلت : البنت معاها حق يا نجم الدين حيلاقوا وقت ازاى  
يذاكروا وطول النهار في المدرسة أو الدروس علي ايامنا كانت  
هي المدرسة وكنا بنروح مجموعة وخالص ماكنش في  
دروس خصوصية و....

بترت عبارتي وانعقد حاجي بشدة ثم شعرت بغضب هادر  
يمليء أعماقي...البت ضحكت عليا فصرخت بغضب : بت يا  
شاهيناز تعالي لي هنا

أسرعت الصغيرة الي فهتفت بها وانا امسك بيدها بغضب  
واهزها : انتي بتاخديني في دوكتا يابت ما انتوا بتلاقوا وقت اهو  
للعب...ازاى مافيش وقت هت؟

هتفت : يعني ما نلعبش خالص ياماما ؟ كله مذاكرة  
مذاكرة مش كفاية محبوسين طول النهار في البيت ومش  
بنخرج كدا احنا حنتخفق ونموت

ارتعشت شفتها واغروقت عينها بالدموع فوجمت ثانية  
وافلنت يدها لتنسب ثانية بعيدا كسمكتا قرر الصياد  
تركها لتعود للماء ونظرت الي زوجي وقد اسقط في يدي  
وغمغمت : برضو معاها حق يانجم الدين ...علي ايامنا كنا  
خاربينها لعب اولي وسيجتا وييريللا بييريللا واستغمايتا  
وماكنش بندخل باب البيت دول محبوسين طول الوقت

رمقني بنظرة استخفاف وتهكم وكانما يقولي : بتحطوا  
نفسكم في مواقف بايخااه

فرمقته بنظرة مماثلتا مفادها قول لنفسك ...قرفتوني في

عيشتي

عاد ليواصل متابعتة للهاتف بينما قلت لنفسي إذا كان  
الزعيق من ذهب فمؤكد أن الخرس التام من ماس

تمت



## دوامة الغسيل

غسيل في الغسالة يأخذ دوره  
 وهناك كوم من الغسيل ينتظر،  
 وكوم من الغسيل تم نشره  
 وهناك كوم للنشير بشوق منتظر  
 وكوم كبير من علي المنشر تم جمعه  
 وهناك كوم لتطبيق علي السرير مستقر  
 فهل ياترى سأقضي حياتي بين هدوم تتغسل وتتعصر  
 وهدوم للغسيل لدورها تنتظر  
 وغسيل منشور أخشي عليه من المطر  
 وغسيل بعاصفة ترايبية يتعفر  
 وغسيل من عند الجيران علينا يقطر  
 ام غسيل من زهزته بين الجيران افتخر  
 ام معارك بسبب الغسيل بين الجيران تستعر  
 فيا أيتها الفتاة البريئة  
 التي للسعادة الزوجية تنتظر  
 لا تحسبي أن الزواج مرح ولعب ونعيم مستمر  
 بل كنيس ومسيح وطبيخ ومحشي جوه الحللة مزدهر  
 وهدوم متكومة وقلته واذا زعلتي من الحقيقة فأني  
 اعتذر..اعتذر اعتذر  
 . خواطر شعرية راقية من ديواني هموم شاعرة،